

曾文
正公
三十家詩鈔

埽葉山房發行

線
831
7355-2
v. 2

舊籍

三十家詩鈔卷二目錄

陶淵明五古一百十五首

形影神三首

九日閒居

歸園田居五首

遊斜川

示周續之祖企謝景夷三郎

乞食

諸人共遊周家墓柏下

怨詩楚調示龐主簿鄧治中

答龐參軍

五月旦作和戴主簿

連雨獨飲

移居二首

和劉柴桑

酬劉柴桑

和郭主簿二首

於王撫軍座送客

與殷晉安別

贈羊長史

歲暮和張常侍

和胡西曹示顧賊曹


悲從弟仲德

始作鎮軍參軍經曲阿

庚子歲五月中從都還阻風於規林二首

南投縣鹿谷鄉黃端本堂七

代喬孫代表黃允哲捐贈



辛丑歲七月赴假還江陵夜行塗口

癸卯歲始春懷古田舍二首

癸卯歲十二月中作與從弟敬遠

乙巳歲三月爲建威參軍使都經錢溪

還舊居

戊申歲六月中遇火

己酉歲九月九日

庚戌歲九月中於西田穫早稻

丙辰歲八月中於下溪田舍穫

責子

有會而作

蜡日

飲酒二十首

止酒

述酒

擬古九首

雜詩十二首

詠貧士七首

詠二疏

詠三良

詠荆軻

讀山海經十三首

擬挽歌辭三首

桃花源詩

謝康樂五古六十五首

述祖德詩二首

九日從宋公戲馬臺集送孔令

從遊京口北固應詔

永初三年七月十六日之郡初發都

鄰里相送至方山

過始甯墅

富春渚

七里瀨

晚出西射堂

登池上樓

遊南亭

遊赤石進帆海

登江中孤嶼

登永嘉綠嶂山詩

郡東山望溟海詩

遊嶺門山詩

石室山詩

登上戍石鼓山詩

行田登海口盤嶼山

白石巖下徑行田

齋中讀書

命學士講書

種桑詩

初去郡

田南樹園激流植援

石壁精舍還湖中作

登石門最高頂

石門新營所住四面高山迴溪石瀨茂林

修竹

於南山往北山經湖中瞻眺



從斤竹澗越嶺溪行

過白岸亭詩

夜宿石門詩

南樓中望所遲客

廬陵王墓下作

還舊園作見顏范二中書

酬從弟惠連五首

登臨海嶠初發疆中作與從弟惠連可見

羊何其和之四首

初發石首城

入東道路詩

道路憶山中

入彭蠡湖口

入華子岡是麻源第三谷

登歸瀨三瀑布望兩溪

初往新安桐廬口

擬魏太子鄴中集詩八首

石壁立招提精舍

過瞿溪仙僧

七夕詠牛女

彭城宮中直感歲暮

會吟行

顏延年五古三十首

應詔觀北湖田收

從軍行

車駕幸京口侍遊蒜山作

車駕幸京口三月二日侍遊曲阿後湖作

拜陵廟作

贈王太常

夏夜呈從兄散騎車長沙

直東宮答鄭尚書

和謝監靈運

北使洛

還至梁城作

始安郡還都與張湘州登巴陵城樓作

秋胡詩九首

五君詠五首

爲織女贈牽牛

歸鴻

除弟服

辭難潮溝

謝希逸五古六首

烝齋應詔

和元日雪花應詔

七夕夜詠牛女應制

遊豫章西觀洪崖井

自潯陽至都集道里名爲詩

北宅祕園

謝宣遠五古九首

九日從宋公戲馬臺集送孔令詩

答靈運

於安城答靈運五首

王撫軍庾西陽集別時爲豫章太守庾被

徵還東

張子房詩

謝法曹五古二十六首

豫章行

塘上行

卻東西門行

代悲哉行

猛虎行二首

三月三日曲水集

汎南湖至石帆

西陵遇風獻康樂五首

代古

秋懷

擣衣

泛湖歸出樓中望月

七月七日夜詠牛女

喜雨

詠冬

讀書

離合詩二首

夜集作離合

夜集歎乖

與孔曲阿別詩

三十家詩鈔卷二田六字十餘篇

少湘鄉曾國藩纂

東湖王定安增輯

陶淵明五古一百十四首

文選錄者八首以。識之樂府詩集錄者二首陳沆錄者三十五首並以△識之

形影神三首

貴賤賢愚莫不營營以惜生斯甚惑焉故極陳形影之苦言神辨自然以釋

之好事君子其取其心焉形贈影

天地長不沒山川無改時草木得常理霜露榮悴之謂人最靈智獨復不如茲適見

在世中奄去靡歸期奚覺無一人親識豈相思但餘平生物舉目情悽沍我無騰化

術必爾不復疑願君取吾言得酒莫苟辭

影答形

存生不可言衛生每苦拙誠願游崑華邈然茲道絕與子相遇來未嘗異悲悅憩蔭

若暫乖止日終不別此同既難常黯爾俱時滅身沒名亦盡念之五情熱立善有遺

愛胡為不自竭酒云能消憂方此詎不劣

神釋

三十家詩鈔 卷二 晉 陶潛

大鈞無私力。萬理自森著。人爲三才中。豈不以我故。與君雖異物。生而相依附。結託善惡同。安得不相語。三皇大聖人。今復在何處。彭祖愛永年。欲畱不得住。老少同一死。賢愚無復數。日醉或能忘。將非促齡具。立善常所欣。誰當爲汝譽。甚念傷吾生。正宜委運去。縱浪大化中。不喜亦不懼。應盡便須盡。無復獨多慮。

日醉二句辨形贈影之言立善二句辨影

答詠

九日間居

並序

余閒居愛重九之名。秋菊盈園而持醪靡由。空服九華。寄懷於言。

世短意常多。斯人樂久生。日月依辰至。舉俗愛其名。露淒暄風息。氣徹天象明。往燕無遺影。來雁有餘聲。酒能祛百慮。菊解制頽齡。如何蓬廬士。空視時運傾。塵爵恥處疊。寒華徒自榮。斂襟獨閒謔。緬焉起深情。棲遲固多娛。淹畱豈無成。

時運傾指易代之事淹畱無成

騷人語也今反之謂事業則無所成於道德豈無成邪

歸園田居

少無適俗韻。性本愛邱山。誤落塵網中。一去三十年。羈鳥戀舊林。池魚思故淵。開荒南野際。守拙歸園田。方宅十餘畝。草屋八九間。榆柳蔭後檐。桃李羅堂前。曖曖遠人

村依依墟里煙。狗吠深巷中。雞鳴桑樹巔。戶庭無塵雜。虛室有餘閒。久在樊籠裏。復得返自然。識度

其二

野外罕人事。窮巷寡輪鞅。白日掩荆扉。虛室絕塵想。時復墟曲中。披草一作披衣共來往。相見無雜言。但道桑麻長。桑麻日已長。我土日已廣。常恐霜霰至。零落同草莽。識度

其三

種豆南山下。草盛豆苗稀。晨興理荒穢。帶月荷鋤歸。道狹草木長。夕露沾我衣。衣沾不足惜。但使願無違。識度。東坡云。以夕露沾衣之故而違其所願者多矣。

其四

久去山澤游。浪莽林野娛。試攜子姪輩。披榛步荒墟。徘徊邱壠間。依依昔人居。井甃有遺處。桑竹殘朽株。一作樹木。殘根株。借問采薪者。此人皆焉如。薪者向我言。死沒無復餘。

一世異朝市。此語真不虛。人生似幻化。終當歸空無。識度

其五

悵恨獨策還。崎嶇歷榛曲。山澗清且淺。可以濯吾足。漉我新熟酒。隻雞招近屬。一作局

日入空中闇。荆薪代明燭。歡來苦夕短。已復至天旭。

識度

遊斜川序

辛丑正月五日天氣澄和風物閒美與二三鄰曲同遊斜川臨長流望會城

飭鯉躍鱗於將夕水鷗乘和以翻飛彼南阜者名實舊矣不復乃為嗟歎若

夫會城旁無依接獨秀中皋遙想靈山有愛嘉名欵對不足率爾賦詩悲日

月之遂往悼吾年之不畱各疏年紀鄉里以記其時日

所見之會城而遙想崑崙之會城觀上文臨長流望會城句當是斜川有山名會城故愛其嘉名與崑崙同耳駱庭芝云會城落星寺也然云獨秀中皋

則是指山非指寺矣

開歲倏五十。一作日非吾生行歸休。念之動中懷。及辰為茲游。氣和天惟澄。班坐依遠流。

弱湍馳文魴。閑谷矯鳴鷗。迴澤散游目。緬然睇曾邱。雖微九重秀。願瞻無匹儔。提壺

接賓侶。引滿更獻酬。未知從今去。當復如此不。中腸縱遙情。中腸一作中腸猶大謝詩之中飲即酒半也

忘彼千載憂。且極今朝樂。明日非所求。

示周續之祖企謝景夷三郎

時三人皆講禮校書

負病頽簷下。終日無一欣。藥石有時閒。念我意中人。相去不尋常。言不近也道路邈何因。

周生述孔業。祖謝響然臻。薦襦表羣士響臻道喪向千載。今朝復斯聞。馬隊非講肄。校書亦已勤。老夫有所愛。思與爾爲鄰。願言誨諸子。從我潁水濱。

乞食

饑來驅我去。不知竟何之。行行至斯里。叩門拙言辭。主人解余意。遺贈豈虛來。談諧終日夕。觴至輒傾杯。情欣新知歡。興言遂賦詩。感子漂母惠。愧我非韓才。銜戢知何謝。冥報以相貽。

諸人共遊周家墓柏下

今日天氣佳。清吹與鳴彈。感彼柏下人。安得不爲歡。清歌散新聲。綠酒開芳顏。未知明日事。余襟良已殫。

△怨詩楚調示龐主簿鄧治中

古今樂錄載怨詩始於卞和繼以班婕妤好蓋傷不見知之意此篇之末亦傷世無知己也

天道幽且遠。鬼神茫昧然。結髮念善事。僶俛六九年。弱冠逢世阻。始室喪其偏。炎火屢焚如。螟蟻恣中田。風雨縱橫至。收斂不盈廛。夏日抱長飢。寒夜無被眠。造夕思雞鳴。及晨願鳥遷。在己何怨天。離憂悽目前。吁嗟身後名。於我若浮煙。慷慨獨悲歌。鍾期信爲賢。

答龐參軍有

三復來貺欲罷不能自爾鄰曲冬春再交款然良對忽成舊遊俗諺云數面

成親舊況情過此者乎人事好乖便當語離楊公所歎楊永也豈惟長悲吾抱

疾多年不復為文本既不豐復老病繼之輒依周孔往復之義且為別後相

思之資本既不豐謂素癯瘠也

相知何必舊傾蓋定前言有客賞我趣每每顧林園談諧無俗調所說聖人篇或有

數斗酒閒飲自歡然我實幽居士無復東西緣物新人惟舊弱毫多所宣情通萬里

外形躋滯江山君其愛體素來會在何年

五月旦作和戴主簿

虛舟縱逸棹回復遂無窮云去復來來復去也發歲若俛仰星紀奄將中明兩萃時物一作南窗

物北林榮且豐神淵寫時雨晨色奏景風既來孰不去人理固有終居常待其盡曲

肱豈傷冲遷化或夷險肆志無宏隆即事如已高何必升華嵩史記律書景風者居南方

連雨獨飲

運生會歸盡終古謂之然世間有松喬於今定何間故老贈余酒乃言飲得仙試酌

百情遠。重觴忽忘天。天豈去此哉。任真無所先。雲鶴有奇翼。八表須臾還。自我抱茲獨。僊俛四十年。形骸久已化。心在復何言。識度

移居

昔欲居南村。非爲卜其宅。聞多素心人。樂與數晨夕。懷此頗有年。今日從茲役。敝廬何必廣。取足蔽牀席。鄰曲時時來。抗言談在昔。奇文共欣賞。疑義相與析。識度

其二

春秋多佳日。登高賦新詩。過門更相呼。有酒斟酌之。農務各自歸。閒暇輒相思。相思則披衣。起往相訪也言笑無厭時。此理將不勝。無爲忽去茲。衣食當須幾。力耕不吾欺。識度

○此理二句言此樂不可勝無爲舍而去之也

和劉柴桑

山澤久相招。胡事乃躊躇。直爲親舊故。未忍言索居。良辰入奇懷。挈杖還西廬。荒塗無歸人。時時見廢墟。茅茨已就治。新疇復應畬。谷風轉淒薄。春醪解饑劬。弱女雖非男。慰情良勝無。栖栖世中事。歲月共相疏。耕織稱其用。過此奚所須。去去百年外。身名同翳如。

酬劉柴桑

窮居寡人用。時忘四運周。空庭多落葉。慨然已知秋。新葵鬱北牖。嘉穉眷南疇。今我不為樂。知有來歲不。命室攜童弱。良日登遠遊。

和郭主簿

靄靄堂前林。中夏貯清陰。凱風因時來。回飆開我襟。息交逝開臥。坐起弄書琴。一作息交

遊閑業臥起弄書琴非

園蔬有餘滋。舊穀猶儲今。營己良有極。過足非所欽。春秫作美酒。酒熟

吾自斟。弱子戲我側。學語未成音。此事真復樂。聊用忘華簪。遙遙望白雲。懷古一何深。

其二

和澤周二春。清涼素秋節。露凝無游氛。天高風景澈。陵岑聳逸峯。遙瞻皆奇絕。芳菊開林耀。青松冠巖列。懷此貞秀姿。卓為霜下傑。銜觴念幽人。千載撫爾訣。檢素不獲展。厭厭竟良月。

於王撫軍座送客

王弘為撫軍將軍江州刺史庾登之為西陽太守時被徵還京謝瞻為豫章太守時將赴郡王撫軍於湓浦餞之或邀陶

公預宴

秋日淒且厲。百卉具已腓。爰以履霜節。登高餞將歸。寒氣冒山澤。游雲倏無依。洲渚思緬邈。風水互乖違。瞻夕欣良讌。離言聿云悲。晨鳥暮來還。懸車斂餘輝。淮南子曰。至悲泉是謂懸車。逝止判殊路。旋駕悵遲遲。目送回舟遠。情隨萬化遺。

與殷晉安別

有序。殷景仁名鐵。

殷先作晉安南府長史掾。因居潯陽。後作太尉。

劉裕也。

參軍移家東下。作此以

贈

遊好非久長。一遇盡殷勤。信宿酬清話。益復知爲親。去歲家南里。薄作少時鄰。負杖肆游從。淹留忘宵晨。語默自殊勢。亦知當乖分。未謂事已及。興言在茲春。飄飄西來風。悠悠東去雲。山川千里外。言笑難爲因。良才不隱世。指殷江湖多賤貧。陶公自指脫有經過便。念來存故人。

贈羊長史

有序。○羊名松齡。

左軍羊長史銜使秦川。作此與之。

愚生三季後。慨然念黃虞。得知千載上。政賴古人書。賢聖畱餘蹟。事事在中都。豈忘游心目。關河不可踰。九域甫已一。逝將理舟輿。聞君當先邁。負病不獲俱。路若經商

山爲我少躊躇。多謝綺與角。精爽今何如。紫芝誰復采。深色久應蕪。駟馬無貫患。貧賤有交娛。清謠結心曲。人乖運見疏。擁懷累代下。言盡意不舒。識度。劉裕破秦。以

更故前者思游中都而九域未一今者九域已一而世代將改但當從綺角游耳駟馬不貫憂患貧賤或多歡娛亦公之素志也

歲暮和張常侍

市朝悽舊人。驟驥感悲泉。明日非今日。歲暮余何言。素顏斂光潤。白髮一已繁。闊哉秦穆談。旅力豈未愆。向夕長風起。寒雲沒西山。冽冽氣遂嚴。紛紛飛鳥還。民生鮮常在。矧伊愁苦纏。屢闕清醑至。無以樂當年。窮通靡攸慮。憔悴由化遷。撫已有深懷。履運增慨然。

和胡西曹示顧賊曹

蕤賓五月中。清朝起南颺。不駛亦不遲。飄飄吹我衣。重雲蔽白日。間雨紛微微。流目視西園。曄曄榮紫葵。於今甚可愛。奈何當復衰。一作當樂行復衰非感物願及時。每恨靡所揮。悠悠待秋稼。寥落將賒遲。逸想不可淹。猖狂獨長悲。

悲從弟仲德

銜哀過舊宅。悲淚應心零。借問爲誰悲。懷人在九冥。禮服名羣從。恩愛若同生。門前

執手時。何意爾先傾。在數竟未免。爲山不及成。慈母沈哀疚。二眉纔數齡。雙位委空館。朝夕無哭聲。流塵集虛坐。宿草旅前庭。階除曠遊跡。園林獨餘情。翳然乘化去。終天不復形。遲遲將回步。惻惻悲襟盈。

○始作鎮軍參軍經曲阿

宋武帝行鎮軍將軍陶公參其軍事

弱齡寄事外。委懷在琴書。被褐欣自得。屢空常晏如。時來苟冥會。

謂無心遇之也。觀一苟字明其爲適

然相值非有意就此參軍也

婉變憩通衢。投策命晨裝。暫與田園疏。眇眇孤舟逝。縣縣歸思紆。我

行豈不遙。登陟千里餘。目倦川塗異。心念山澤居。望雲慙高鳥。臨水愧游魚。真想初在襟。誰謂形蹟拘。聊且憑化遷。終返班生廬。識度

庚子歲五月中從都還阻風於規林

行行循歸路。計日望舊居。一欣侍溫顏。再喜見友于。鼓櫂路崎曲。指景限西隅。江山豈不險。歸子念前途。凱風負我心。戢柁守窮湖。高莽眇無界。夏木獨森疏。誰言客舟遠。近瞻百里餘。延目識南嶺。空歎將焉如。

其二

自古歎行役。我今始知之。山川一何曠。巽坎難與期。

巽順也。坎險也。或曰巽風也。坎水也。崩浪聒天響。

長風無息時。久游戀所生。如何淹在茲。靜念園林好。人間良可辭。當年詎有幾。縱心復何疑。

○辛丑歲七月赴假還江陵夜行塗口

閒居三十載。遂與塵事冥。詩書敦宿好。林園無俗情。如何捨此去。遙遙至南荆。叩枻新秋月。臨流別友生。涼風起將夕。夜景湛虛明。昭昭天宇闊。皛皛川上平。懷役不遑寐。中宵尚孤征。商歌非吾事。淮南子曰甯戚商歌車下桓公慨然而悟許慎曰甯戚衛人聞齊桓公與霸無因自達將車自往商秋聲也依依在耦耕。投冠旋舊墟。不爲好爵榮。養真衡茅下。庶以善自名。

癸卯歲始春懷古田舍

在昔聞南畝。當年竟未踐。屢空既有人。春興豈自免。夙晨裝吾駕。啟塗情已緬。鳥弄歡新節。冷風送餘善。一作鳥弄新節冷風送餘善寒竹被荒蹊。地爲罕人遠。是以植杖翁。悠然不復返。卽理愧通識。所保詎乃淺。

其二

先師有遺訓。憂道不憂貧。瞻望邈難逮。轉欲志長勤。秉耒歡時務。解顏勸農人。平時交遠風。良苗亦懷新。雖未量歲功。卽事多所欣。耕種有時息。行者無問津。日入相與

歸壺漿勞近鄰。長吟掩柴門。聊爲隴畝民。

癸卯歲十二月中作與從弟敬遠

寢蹟衡門下。邈與世相絕。顧盼莫誰知。荆扉晝常閉。必結淒淒歲暮風。翳翳經夕雪。

傾耳無希聲。在目皓已潔。勁氣侵襟袖。簞瓢謝屢設。蕭索空宇中。了無一可悅。歷覽

千載書。時時見遺烈。高操非所攀。謬得固窮節。平津苟不由。栖遲詎爲拙。寄意一言

外。茲契誰能別。平津二句言苟不慕公孫宏之丞相封侯則栖遲山林亦未爲拙也不由謂不由其道也

乙巳歲三月爲建威參軍使都經錢溪

我不踐斯境。歲月好已積。晨夕看山川。事事悉如昔。微雨洗高林。清飆矯雲翮。眷彼

品物存。義風都未隔。伊余何爲者。勉勵從茲役。一形似有制。素襟不可易。園田日夢

想。安得久離析。終懷在歸舟。諒哉宜霜柏。趙泉山曰此詩大旨慶遇先帝光復大業不失舊物也

還舊居南康志近城五里地名上京亦有淵明故居

疇昔家上京。六載去還歸。今日始復來。惻愴多所悲。阡陌不移舊。邑屋或時非。履歷

周故居。鄰老罕復遺。步步尋往蹟。有處特依依。流幻百年中。寒暑日相推。常恐大化

盡。氣力不及衰。撥置且莫念。一觴聊可揮。

戊申歲六月中遇火

草廬寄窮巷。甘以辭華軒。正夏長風急。林室頓燒燔。一宅無遺宇。舫舟蔭門前。迢迢新秋夕。亭亭月將圓。果菜始復生。驚鳥尙未還。中宵芒遙念。一盼周九天。總髮抱孤介。奄出四十年。形蹟憑化往。靈府長獨閒。貞剛自有質。玉石乃非堅。仰想東戶時。餘糧宿中田。鼓腹無所思。朝起暮歸眠。旣已不遇茲。且遂灌我園。

己酉歲九月九日

靡靡秋已夕。淒淒風露交。蔓草不復榮。園木空自彫。清氣澄餘滓。杳然天界高。哀蟬無畱響。叢鴈鳴雲霄。萬化相尋繹。人生豈不勞。從古皆有沒。念之中心焦。何以稱我情。濁酒且自陶。千載非所知。聊以永今朝。

庚戌歲九月中於西田穫早稻

人生歸有道。衣食固其端。孰是都不營。而以求自安。開春理常業。歲功聊可觀。晨出肆微勤。日入負耒還。山中饒霜露。風氣亦先寒。田家豈不苦。弗獲辭此難。四體誠乃疲。庶無異患干。盥濯息檐下。斗酒散襟顏。遙遙沮溺心。千載乃相關。但願長如此。躬耕非所歎。

識度

丙辰歲八月中於下潁田舍穫

貧居依稼穡。戮力東林隈。不言春作苦。常恐負所懷。司田眷有秋。寄聲與我諧。饑者歡初飽。束帶候雞鳴。揚楫越平湖。汎隨清壑迴。鬱鬱荒山裏。猿聲閑且哀。悲風愛靜夜。林鳥喜晨開。曰余作此來。三四星火頽。姿年逝已老。其事未云乖。遙謝荷篠翁。聊得從君栖。

責子

舒儼宣侯雍份端佚通佟凡五人舒宣雍端通皆小名

白髮被兩鬢。肌膚不復實。雖有五男兒。總不好紙筆。阿舒已二八。懶惰故無匹。阿宣行志學。而不愛文術。雍端年十三。不識六與七。通子垂九齡。但覓梨與栗。天運苟如此。且進杯中物。識度

有會而作

並序

舊穀既沒。新穀未登。頗為老農而值年災。日月尚悠。為患未已。登歲之功。既不可希。朝夕所資。煙火裁通。旬日已來。始念飢乏。歲云夕矣。慨然永懷。今我不述。後生何聞哉。

弱年逢家乏。老至更長飢。菽麥實所羨。孰敢慕甘肥。怒如亞九飯。當暑厭寒衣。歲月

將欲暮。如何辛苦悲。常善粥者心。深恨蒙袂非。嗟來何足吝。徒沒空自遺。斯濫豈彼志。固窮夙所歸。餒也已矣夫。在昔余多師。

蜡日

風雪送餘運。無妨時已和。梅柳夾門植。一條有桂花。我唱爾言得。酒中適何多。未能明多少。章山有奇歌。

△飲酒

有序

余閑居寡歡。兼比夜已長。偶有名酒。無夕不飲。顧影獨盡。忽焉復醉。既醉之後。輒題數句。自娛紙墨。遂多辭。無詮次。聊命故人書之。以爲歡笑爾。

衰榮無定在。彼此更共之。邵生瓜田中。甯似東陵時。寒暑有代謝。人道每如茲。達人解其會。逝將不復疑。忽與一觴酒。日夕歡相持。識度

△其二

積善云有報。夷叔在西山。善惡苟不應。何事空立言。九十行帶索。饑寒況當年。不賴固窮節。百世當誰傳。榮啟期事見列子至於九十猶不免行而帶索則自少壯至老當年之饑寒不可勝述矣

△其三

道喪向千載。人人惜其情。有酒不肯飲。但願世閒名。所以貴我身。豈不在一生。一生復能幾。倏如流電驚。鼎鼎百年內。特此欲何成。

△其四

栖栖失羣鳥。日暮猶獨飛。徘徊無定止。夜夜聲轉悲。厲響思清晨。遠去何所依。一作厲響

思清遠去來何依依非因值孤生松。斂翮遙來歸。勁風無榮木。此蔭獨不衰。託身已得所。千載

不相違。識度○趙泉山曰此詩譏切殷景仁顏延年輩附麗於宋

△其五

結廬在人境。而無車馬喧。問君何能爾。心遠地自偏。采菊東籬下。悠然見南山。山氣

日夕佳。飛鳥相與還。此中有真意。欲辯已忘言。識度○此首文選錄入雜詩中

△其六

行止千萬端。誰知非與是。是非苟相形。雷同共譽毀。三季多此事。達士似不爾。咄咄

俗中愚。且當從黃綺。湯東澗曰此篇言季世出處不齊士比皆以乘時自奮為賢吾知從黃綺而已

△其七

秋菊有佳色。裛露掇其英。汎此忘憂物。遠我遺世情。一觴雖獨進。杯盡壺自傾。日入

羣動息歸鳥趨林鳴嘯傲東軒下聊復得此生

識度○此首文選錄入雜詩中

△其八

青松在東園眾草沒其姿凝霜矜異類卓然見高枝連林人不覺獨樹眾乃奇提壺挂寒柯遠望時復爲吾生夢幻閒何事繼塵羈

識度

△其九

清晨聞叩門倒裳往自開問子爲誰歟田父有好懷壺漿遠見候疑我與時乖縵縷茅檐下未足爲高棲一世皆尙同願君汨其泥深感父老言稟氣寡所諧紆轡誠可學違己詎非迷且共歡此飲吾駕不可回

識度

△其十

在昔曾遠遊直去東海隅道路迴且長風波阻中途此行誰使然似爲饑所驅傾身營一飽少許便有餘恐此非名計息駕歸閒居

識度○趙泉山曰此篇述其爲貧而仕

△其十一

顏生稱爲仁榮公歸有道屢空不獲年長饑至於老雖畱身後名一生亦枯槁死去何所知稱心固爲好客養千金軀臨化消其實裸葬何必惡人當解意表

識度○歸猶稱也論

語天下歸仁焉稱其仁也曹植詩眾工歸我妍稱其妍也此歸字與上句稱字對舉互見

△其十二

長公會一仕。長公張壯節忽失時。杜門不復出。終身與世辭。仲理歸大澤。仲理楊高

風始在茲。一往便當已。何為復狐疑。去去當奚道。世俗久相欺。擺落悠悠談。請從余

所之。

△其十三

有客常同止。取捨邈異境。一士長獨醉。一夫終年醒。醒醉還相笑。發言各不領。規規

一何愚。兀傲差若穎。寄言酣中客。日沒燭當秉。識度。一作獨何炳。晉宋間以同居

醒者規規為愚而醉者傲兀差穎耳

△其十四

故人賞我趣。挈壺相與至。班荆坐松下。數酌已復醉。父老雜亂言。觴酌失行次。不覺

知有我。安知物為貴。悠悠迷所畱。酒中有深味。

△其十五

貧士乏人工。灌木荒余宅。班班有翔鳥。寂寂無行蹟。宇宙何悠悠。人生少至百。歲月

相從過。鬢邊早已白。若不委窮達。素抱深可惜。

△其十六

少年罕人事。游好在六經。行行向不惑。淹留遂無成。竟抱窮苦節。饑寒飽所更。敝廬交悲風。荒草沒前庭。披褐守長夜。晨雞不肯鳴。孟公陳遵也不在茲。終以翳吾情。

△其十七

幽蘭生前庭。含薰待清風。清風脫然至。見別蕭艾中。行行失故路。任道或能通。覺悟當念還。烏盡廢良弓。鳥盡弓藏。湯東澗以為借昔人去國之語。喻己歸田之志。

△其十八

子雲性嗜酒。家貧無由得。時賴好事人。載醪祛所惑。觴來為之盡。是諮無不塞。有時不肖言。豈不在伐國。仁者用其心。何嘗失顯默。識度。末句用柳下惠事。蓋以揚雄柳下自比。陶公與親舊亦好縱言。

論但不言
禪代事耳

△其十九

疇昔苦長饑。投耒去學仕。將養不得節。凍餒固纏已。是時向立年。志意多所恥。遂盡介然分。拂衣歸田里。冉冉星氣流。亭亭復一紀。世路廓悠悠。楊朱所以止。雖無揮金事。濁

酒聊可恃。彭澤之歸在義熙元年此云復一紀則賦此飲酒當是義熙十一二三年間

△其二十

羲農去我久。舉世少復真。汲汲魯中叟。彌縫使其漭。鳳鳥雖不至。禮樂暫得新。洙泗輟微響。漂流逮狂秦。詩書復何罪。一朝成灰塵。區區諸老翁。為事誠殷勤。如何絕世下。六籍無一親。終日馳車走。不見所問津。若復不快飲。空負頭上巾。但恨多謬誤。君當恕醉人。識度

△止酒

居止次城邑。逍遙自閑止。坐止高蔭下。步止華門裏。好味止園葵。大權止稚子。平生不止酒。止酒情無喜。暮止不安寢。晨止不能起。日日欲止之。營衛止不理。徒知止不樂。未信止利已。始覺止為善。今朝真止矣。從此一止去。將止扶桑淡。清顏止宿容。奚止千萬祀。首六句止字俱不貼酒說末二句止字亦不貼酒

△述酒

舊注儀狄造杜康潤色之。劉裕以毒酒一罌授張偉使酖恭帝繼又令兵人踰垣進藥王不肯飲遂掩殺之國藩按湯文清公漢注述酒詩定為庾辭

隱語蓋恭帝哀詩茲摘鈔一二

重離照南陸。鳴鳥聲相聞。

司馬氏出重黎之後以離為黎故為錯亂也

秋草雖未黃。融風火已分。素礫晶修渚。南

嶽無餘雲。修渚指長江即江左也此二句言氣數衰謝。豫章抗高門。重華固靈墳。劉裕初封

豫章王重華謂流淚抱中歎。傾耳聽司晨。因恭帝之弑故流神州獻佳粟。西靈為我馴。義熙十四

恭帝禪宋也年鞏縣人獻嘉禾西靈當作四諸梁董師旅。辛勝喪其身。葉公殺白公勝喻裕山陽歸下國。

靈裕受禪文有四靈效徵之語。成名猶不勤。諡法不勤成名曰靈。山陽二句以魏降漢獻為山卜生善斯牧。安樂不為

君。安樂八公蓋以平生去舊京。峽中納遺薰。雙陵甫云育。三趾顯奇文。王子愛清吹。日中翔河

汾。朱公練九齒。閒居離世紛。卜生句平生八句不甚可峩峩西嶺內。偃息常所親。天容自永

固。彭殤非等倫。西嶺當指恭帝所葬之地謂偃息邱山天容自固豈與尋常之壽天竝論哉

擬古

榮榮窗下蘭。密密堂前柳。初與君別時。不謂行當久。出門萬里客。中道逢嘉友。未言

心相醉。不在接杯酒。蘭枯柳亦衰。遂令此言負。一作時沒多謝諸少年。相知不忠厚。

意氣傾人命。離隔復何有。陳沈曰淵明初辭義熙之辟亦謂時未可以仕耳豈圖大命遽傾終古永訣哉

其二

辭家夙嚴駕。當往志無終。問君今何行。非商復非戎。聞有田子泰。節義為士雄。斯人

久已死。鄉里習其風。生有高世名。既沒傳無窮。不學狂馳子。直在百年中。田疇字子泰事劉虞

虞爲公孫瓚所害誓爲報讐不遂陶公蓋以疇自比

△ 其三

仲春遭時雨。始雷發東隅。眾蟄各潛駭。草木從橫舒。翩翩新來燕。雙雙入我廬。先巢

人安在燕獨何心忍戀新而忘舊邪

△ 其四

迢迢百尺樓。分明望四荒。暮作歸雲宅。朝爲飛鳥堂。山河滿目中。平原獨茫茫。古時功名士。慷慨爭此場。一旦百歲後。相與還北邙。松柏爲人伐。高墳互低昂。頽基無遺主。遊魂在何方。榮華誠足貴。亦復可憐傷。

識度。陳沆曰。山河功名戰爭慷慨謂平定燕秦之人也。

△ 其五

東方有一士。被服常不完。三旬九遇食。十年著一冠。辛苦無此比。常有好看顏。我欲觀其人。晨去越河關。青松夾路生。白雲宿檐端。知我故來意。取琴爲我彈。上絃驚別鶴。下絃操孤鸞。願畱就君住。從今至歲寒。

識度。陳沆曰。此淵明自詠。

△ 其六

蒼蒼谷中樹。冬夏常如茲。年年見霜雪。誰謂不知時。厭聞世上語。結友到臨淄。稷下多談士。指彼決吾疑。裝束既有日。已與家人辭。行行停出門。還坐更自思。不怨道里長。但畏人我欺。萬一不合意。永爲世笑嗤。伊懷難具道。爲君作此詩。稷下決疑亦詹尹問卜之類淵明不仕之志久定姑託爲訪卜稷下之辭耳

○ 其七

日暮天無雲。春風扇微和。佳人美清夜。達曙酣且歌。歌竟長歎息。持此感人多。皎皎雲間月。灼灼葉中華。豈無一時好。不久當如何。識度。前六句公自詠後四句歎趨時附勢之人

△ 其八

少時壯且厲。撫劍獨行遊。誰言行遊近。張掖至幽州。饑食良首陽。薇渴飲易水。流不見相知人。惟見古時邱。路邊兩高墳。伯身與莊周。此士難再得。吾行欲何求。首陽易水伯身莊周陶公之志事可見矣

△ 其九

種桑長江邊。三年望當采。枝條始欲茂。忽值山河改。柯葉自摧折。根株浮滄海。春蠶既無食。寒衣欲誰待。本不植高原。今日復何悔。識度。兩晉立國本無苞桑之固。十寶論之詳矣。末二句似追咎謀國者之不臧

雜詩

人生無根蒂。飄如陌上塵。分散逐風轉。此已非常身。落地為兄弟。何必骨肉親。得歡當作樂。斗酒聚比鄰。盛年不重來。一日難再晨。及時當勉勵。歲月不待人。落地為兄弟言隨處

相逢皆兄弟也

其二

白日淪西河。素月出東嶺。遙遙萬里輝。蕩蕩空中景。風來入房戶。夜中枕席冷。氣變悟時易。不眠知夕永。欲言無子和。揮杯勸孤影。日月擲人去。有志不獲騁。念此懷悲悽。終曉不能靜。

其三

榮華難久居。盛衰不可量。昔為三春蕖。今作秋蓮房。嚴霜結野草。枯悴未遽央。日月還復周。我去不再陽。眷眷往昔時。憶此斷人腸。此篇亦感興亡之意

其四

丈夫志四海。我願不知老。親戚共一處。子孫還相保。觴絃肆朝日。尊中酒不燥。緩帶盡歡娛。起晚眠常早。孰若當世士。冰炭滿懷抱。百年歸邱壟。用此空名道。不知老句貫下六句

謂自少至老祇在一邱一壑之中與親戚子孫相聚正與四海句相反末四句謂死後縱有空名而生前冰炭滿懷已不勝其苦矣

其五

憶我少壯時。無樂自欣豫。猛志逸四海。騫翮思遠翥。荏苒歲月頽。此心稍已去。值歡無復娛。每每多憂慮。氣力漸衰損。轉覺日不如。壑舟無須臾。引我不得住。前途當幾許。未知止泊處。古人惜寸陰。念此使人懼。

其六

昔聞長者言。掩耳每不喜。奈何五十年。忽已親此事。求我盛年歡。一毫無復意。去去轉欲遠。此生難再值。傾家持作樂。竟此歲月駛。有子不畱金。何用身後置。

其七

日月不肯遲。四時相催迫。寒風拂枯條。落葉掩長陌。弱質與運頽。玄鬢早已白。素標

前塗漸窄猶云來日漸短也

其八

代耕也本非望。所業在田桑。躬親未曾替。寒餒常糟糠。豈期過滿腹。但願飽粳糧。御

冬足大布。麤絺以應陽。政爾不能得。哀哉亦可傷。人皆盡獲宜。拙生失其方。理也可奈何。且爲陶一觴。既失其方則寒餒乃其理也

其九

遙遙從羈役。一心處兩端。掩淚汎東逝。順流追時遷。日沒星與昴。勢翳西山巔。蕭條隔天涯。惆悵念常餐。慷慨思南歸。路遐無由緣。關梁難虧替。絕音寄斯篇。淵明未嘗有遠行之役。似因故國已亡。譬若遠行在外。無家可歸。託爲之辭。後二首亦有行役之感。不甚可解。

其十

閒居執蕩志。時駛不可稽。驅役無停息。軒裳逝東崖。沈陰擬薰麝。寒氣激我懷。歲月有常御。我來淹已彌。慷慨憶綢繆。此情久已離。荏苒經十載。暫爲人所羈。庭宇翳餘木。倏忽日月虧。

其十一

我行未云遠。回顧慘風涼。春燕應節起。高飛拂塵梁。邊鴈悲無所。代謝歸北鄉。離鷗鳴清池。涉暑經秋霜。愁人難爲辭。遙遙春夜長。

其十二

娟娟松標巖。婉變柔童子。年始三五間。喬柯何可倚。一作柯條何泮泮。泮泮真可寄。養色含津氣。

粲然有心理。東坡和陶詩無此篇。

詠貧士

萬族各有託。孤雲獨無依。曖曖空中滅。何時見餘暉。朝霞開宿霧。眾鳥相與飛。遲遲

出林翮。未夕復來歸。量力守故轍。豈不寒與饑。知音苟不存。已矣何所悲。識度。雲

鳥出而復歸皆喻己之甘守故轍早賦歸來也。湯東潤曰孤雲倦翮以喻舉世皆依乘風雲而已獨無攀緣飛翻之意甯忍飢寒以守志節縱無知此意者亦不足悲也。

其二

淒厲歲云暮。擁褐曝前軒。南圃無遺秀。枯條盈北園。傾壺絕餘瀝。闔竈不見煙。詩書

塞座外。日昃不遑研。閒居非陳厄。竊有愠見言。何以慰吾懷。賴古多此賢。識度

其三

榮叟老帶索。欣然方彈琴。原生納決履。清歌唱商音。一作音。重華去我久。貧士世相尋。

敝襟不掩肘。藜羹常乏斟。豈忘襲輕裘。苟得非所欽。賜也徒能辯。乃不見吾心。識度

其四

安貧守賤者自古有黔婁好爵吾不榮厚饋吾不酬。一旦壽命盡敝服仍不周豈不知其極非道故無憂從來將千載未復見斯儔朝與仁義生夕死復何求。識度

其五

袁安困積雪邈然不可干。阮公見錢入即日棄其官芻藁有常溫采莒足朝餐豈不實辛苦所懼非饑寒貧富常交戰道勝無戚顏至德冠邦閭清節映西關。

其六

仲蔚愛窮居遶宅生蒿蓬翳然絕交游賦詩頗能工舉世無知者止有一劉龔此士胡獨然實由罕所同介焉安其業所樂非窮通。人事固以拙聊得長相從。莊子曰古之得道者

窮亦樂通亦樂所樂非窮通也

其七

昔在黃子廉彈冠佐名州一朝辭吏歸清貧略難儔年饑感仁妻泣涕向我流丈夫雖有志固為兒女憂惠孫一晤歎腆贈竟莫酬誰云固窮難邈哉此前修。黃蓋傳云南陽太守

黃子廉之後也

詠一疏

湯東澗曰二疏取其歸三良與主同死荆軻為主報仇皆託古以自見云

大象轉四時。功成者自去。借問衰周來。幾人得其趣。游目漢廷中。二疏復此舉。高嘯返舊居。長揖儲君傅。餞送傾皇朝。華軒盈道路。離別情所悲。餘榮何足顧。事勝感行人。賢哉豈常譽。厭厭閭里歡。所營非近務。促席延故老。揮觴道平素。問金終寄心。清言曉未悟。放意樂餘年。遑惜身後慮。誰云其人亡。久而道彌著。

詠三良

彈冠乘通津。但懼時我遺。服勤盡歲月。常恐功愈微。忠情謬獲露。遂爲君所私。出則陪文輿。入必侍丹帷。箴規嚮已從。計議初無虧。一朝長逝後。願言同此歸。厚恩固難忘。君命安可違。臨穴罔遲疑。投義志攸希。荆棘籠高墳。黃鳥聲正悲。良人不可贖。泫然霑我衣。

詠荆軻

燕丹善養士。志在報強嬴。招集百夫良。歲暮得荆卿。君子死知己。提劍出燕京。素驥鳴廣陌。慷慨送我行。雄髮指危冠。猛氣衝長纓。飲餞易水上。四座列羣英。漸離擊悲筑。宋意唱高聲。蕭蕭哀風逝。淡淡寒波生。商音更流涕。羽奏壯士驚。心知去不歸。且有後世名。登車何時顧。飛蓋入秦庭。凌厲越萬里。逶迤過千城。圖窮事自至。豪主正

怔營惜哉劍術疏。奇功遂不成。其人雖已沒。千載有餘情。

一作斯人久已沒。千載有餘情。○淮南子高漸離宋

意為擊筑而歌於易水之上

○讀山海經

孟夏草木長。遶屋樹扶疏。眾鳥欣有託。吾亦愛吾廬。既耕亦已種。時還讀我書。窮巷隔深轍。頗迴故人車。歡言酌春酒。摘我園中蔬。微雨從東來。好風與之俱。沉覽周王傳。流觀山海圖。俯仰終宇宙。不樂復何如。

識度○周穆天子傳者太康二年汲縣民發古冢所獲書也

其二

玉臺凌霞秀。王母怡妙顏。天地共俱生。不知幾何年。靈化無窮已。館宇非一山。高酣發新謠。甯效俗中言。

山海經云玉山王母所居郭璞注云王母亦有離宮別館不專住一山也○穆天子傳西王母宴穆王於瑤池之上為天子謠曰云云

其三

迢遞槐江嶺。是謂玄圃邱。西南望崑墟。光氣難與儔。亭亭明玕照。落落清瑤流。恨不及周穆。託乘一來游。

西山經槐江之山其上多琅玕實惟帝之玄圃南望崑崙其光熊熊其氣魂魂爰有瑤流其清洛洛

其四

丹木生何許。迺在崑山陽。黃花復朱實。食之壽命長。白玉凝素液。瑾瑜發奇光。豈伊君

子寶見重我軒黃峯音密山海經云峯山上多丹木黃華而赤實丹水出焉其中多白玉是有玉膏黃帝是食是饗

其五

翩翩三青鳥毛色奇可憐朝為王母使暮歸三危山我欲因此鳥具向王母言在世無

所須惟酒與長年山海經云三青鳥三為西王母取食又曰三危之山三青鳥居之

其六

逍遙蕪皋上杳然望扶木洪柯百萬尋森散覆暘谷靈人侍丹池朝朝為日浴神景一

登天何幽不見燭東山經蕪皋之山東望博木海外東經暘谷上有扶桑十日所浴

其七

粲粲三珠樹寄生赤水陰亭亭凌風桂八榦共成林靈鳳撫雲舞神鸞調玉音雖非

世上寶爰得王母心山經云三珠樹生赤水上○桂林入樹在番禺東入樹而成林言其大也○裁民之國鸞鳥自歌鳳鳥自舞

其八

自古皆有沒何人得靈長不死復不老萬歲如平常赤泉給我飲員邱足我糧方與

三辰游壽考豈渠央山經云不死民在交脛國東其人黑色壽不死

其九

夸父誕宏志。乃與日競走。俱至虞淵下。似若無勝負。神力既殊妙。傾河焉足有。餘蹟寄鄧林。功竟在身後。

其十

精衛銜微木。將以填滄海。刑天舞干戚。猛志故常在。同物既無慮。化去不復悔。徒設在昔心。良晨詎可待。山經云精衛炎帝之少女名曰女娃游於東海溺而不返常銜西山之木石以堙東海。刑天獸名也日中好御干戚而舞。

其十一

巨猾肆威暴。欽鴆違帝旨。竅竄強能變。祖江遂獨死。明明上天鑒。為惡不可履。長枯固已劇。鷄鳴豈足恃。

其十二

鷓鴣當作鷓鴣見城邑。其國有放士。念彼懷王世。當時數來止。青邱有奇鳥。自言獨見爾。本為迷者生。不以喻君子。

其十三

巖巖顯朝市。帝者慎用才。何以廢共鯀。重華為之來。仲父獻誠言。姜公乃見猜。臨沒告饑渴。當復何及哉。鯀竊帝之息壤以堙洪水帝令祝融殺之。仲父請去豎刁三子齊桓公不聽。

有生必有死。早終非命促。昨暮同為人。今日在鬼錄。魂氣散何之。枯形寄空木。嬌兒索父啼。良友撫我哭。得失不復知。是非安能覺。千秋萬歲後。誰知榮與辱。但恨在世時。飲酒不得足。

其二

在昔無酒飲。今日湛空觴。春醪生浮蟻。何時更能嘗。殺案盈我前。親舊哭我旁。欲語口無音。欲視眼無光。昔在高堂寢。今宿荒草鄉。一朝出門去。歸來夜未央。

其三

荒草何茫茫。白楊亦蕭蕭。嚴霜九月中。送我出遠郊。四面無人居。高墳正嶢峩。馬為仰天鳴。風為自蕭條。一作鳥為動哀鳴。林為結風飈。幽室一已閉。千年不復朝。千年不復朝。賢達無奈何。向來相送人。各自還其家。親戚或餘悲。他人亦已歌。死去何所道。託體同山阿。

桃花源詩

晉太元中。武陵人捕魚為業。緣溪行。忘路之遠近。忽逢桃花林。夾岸數百步。

中無雜樹。芳草鮮美。落英繽紛。漁人甚異之。復前行。欲窮其林。林盡水源。便

得一山山有小口髣髴若有光便捨船從口入初極狹纔通人復行數十步豁然開朗土地平曠屋舍儼然有良田美池桑竹之屬阡陌相通雞犬相聞其中往來種作男女衣著悉如外人黃髮垂髻竝怡然自樂見漁人乃大驚問所從來具答之便要還家設酒殺雞作食村中聞有此人咸來問訊自云先世避秦時亂率妻子邑人來此絕境不復出焉遂與外人間隔問今是何世乃不知有漢無論魏晉此人一一爲具言所聞皆歎惋餘人各復延至家皆出酒食停數日辭去此中人語云不足爲外人道也既出得其船便扶向路處處誌之及郡下詣太守說如此太守卽遣人隨其往尋向所誌遂迷不復得路南陽劉子驥高尚士也聞之欣然規往一本有游

焉二字未果尋病終後遂無問津者

嬴氏亂天紀賢者避其世黃綺之商山伊人亦云逝往蹟浸復湮來逕遂蕪廢相命肆農耕日入從所憩桑竹垂餘蔭菽稷隨時藝春蠶收長絲秋熟靡王稅荒路曖交通雞犬互鳴吠俎豆猶古法衣裳無新製童孺縱行歌斑白歡游詣草榮識節和木衰知風厲雖無紀歷誌四時自成歲怡然有餘樂於何勞智慧奇蹤隱五百一朝敞

神界。溘薄既異源。旋復還幽蔽。借問遊方士。焉測塵囂外。願言躡輕風。高舉尋吾契。

謝康樂五古六十五首文選錄者以識之

○述祖德詩

序曰太元中王父龕定淮南負荷世業尊主隆人逮賢相祖謝君子道消拂

衣蕃岳考卜東山事同樂生之時志期范蠡之舉

達人貴自我高情屬天雲兼抱濟物性而不嬰垢氛段生藩魏國展季救魯人弦高

犒暗師暗舊作晉呂氏春秋載秦三帥對弦高之言曰暗之道也迷惑陷入大國之地高誘注曰暗國名也仲連卻秦軍臨組乍不纒

對珪甯肯分惠物辭所賞勵志故絕人苕苕歷千載遙遙播清塵清塵竟誰嗣明哲

垂經綸明哲指祖玄也委講綴道論改服康世屯屯難既云康尊主隆斯民工律

○其二

中原昔喪亂喪亂豈解已崩騰永嘉末偪迫太元始永嘉懷帝年號太元孝武年號河外無反正江

介有賊坻萬邦咸震懼橫流賴君子拯溺繇道情龕暴資神理秦趙欣來蘇燕魏遲

文軌賢相謝世運遠圖因事止高揖七州外拂衣五湖裏隨山疏濬潭傍巖藝枌梓

遺情捨塵物貞觀邱壑美工律河外謂洛陽西晉一失不復分正也江介謂金陵東晉時

有其七故
日七州

○九日從宋公戲馬臺集送孔令

武帝為宋公在彭城九日出項羽戲馬臺。孔靖字季恭宋臺初建以為尚書令讓不受辭謝

東歸高祖餞之
百僚咸賦詩

季秋邊朔苦旅鴈違霜雪淒淒陽卉腓皎皎寒潭絜

同潔

良辰感聖心雲旗興暮節鳴

葭戾朱宮蘭卮獻時哲餞宴光有孚和樂隆所缺在宥天下理吹萬羣方悅歸客遂

海隅脫冠謝朝列弭棹薄枉渚指景待樂闕河流有急瀾浮驂無緩轍豈伊川途念

宿心愧將別彼美邱園道喟焉傷薄劣

時哲歸客皆指孔令也毛詩序曰鹿鳴發則和樂缺矣此云隆所缺謂尚有鹿鳴之意孔

以養素為榮而已以戀位為辱故云愧將別

○從遊京口北固應詔

玉璽戒誠信黃屋示崇高事為名教用道以神理超昔聞汾水遊今見塵外鑣鳴笳

發春渚稅鑿登山椒張組眺倒景

吳都賦張組帷構流蘇

列筵矚歸潮遠巖映蘭薄白日麗江

皋原隰萸綠柳墟囿散紅桃皇心美陽澤萬象咸光昭顧已枉維繫撫志慙場苗工

拙各所宜終以反林巢曾是縈舊想覽物奏長謠

玉璽黃屋二事皆因辨名教而立之等威也若道則有超乎二事之

外者矣

○永初三年七月十六日之郡初發都沈約宋書高祖永初三年五月崩少帝即位出靈運為永嘉郡守少帝猶未改元故

云永初

述職期闌暑理棹變金素秋岸澄夕陰火旻團朝露辛苦誰為情遊子值頽暮愛似

莊念昔久敬曾存故莊子夫越之流人去國旬月見所嘗見於國中喜及期年也見似人而喜矣韓詩外傳曾子曰少而學長而忘之一費也事君

有功輕而負之二費也如何懷土心持此謝遠度李牧愧長袖郤克慚躡步戰國策李牧至

趙王使韓蒼數之曰王觴將軍將軍為壽裨也首當死牧曰身大臂短不能及地故使工人為木杖以接手上若弗信請視之左傳郤克徵會於齊頃公帷婦人使觀之

郤子登婦良時不見遺醜狀不成惡曰余亦支離依方早有慕莊子支離疏者頤隱於齊肩高於頂會撮

指天五管在上兩髀為脅又子桑戶死孟子反子生幸休明世親蒙英達顧英達謂廬陵王

也空班趙氏璧徒乖魏王瓠莊子魏王貽我大瓠之種我樹之成而實五石以盛水漿其堅不自舉剖以為瓢則瓠落而無所容非不枵然

大矣吾為其從來漸二紀始得傍歸路靈運之永嘉必塗經始甯故宅及祖父邱墓皆在始甯故曰傍歸路始甯今上虞也將

窮山海蹟永絕賞心悟

○鄰里相送至方山

祇役出皇邑相期憩甌越解纜及流潮懷舊不能發析析就衰林皎皎明秋日含情

易為盈遇物難可歇積痾謝生慮寡慾罕所闕資此永幽棲豈伊年歲別各勉日新

志音塵慰寂蔑

資寡欲之理為幽棲之道豈止年歲之別將有終焉之志

○過始甯墅

沈約宋書靈運父祖並葬始甯縣竝有故宅及墅遂修營舊業及幽居之美水經注曰始甯縣西本上虞之南鄉也

束髮懷耿介。逐物遂推遷。違志似如昨。二紀及茲年。緇磷謝清曠。疲荼慙貞堅。拙疾

相倚薄。還得靜者便。剖竹守滄海。

守永嘉

枉帆過舊山。

過始甯

山行窮登頓。水涉盡洄沿。

巖峭嶺稠疊。洲縈渚連綿。白雲抱幽石。綠篠媚清漣。葺宇臨迴江。築觀基曾巔。揮手

告鄉曲。三載期歸旋。且為樹枌檟。無令孤願言。

律工

○富春渚

宵濟漁浦潭。旦及富春郭。定山緬雲霧。赤亭無淹薄。溯流觴驚急。臨圻阻參錯。亮乏

伯昏分。險過呂梁壑。

列子伯昏無人臨百仞之泉背遂巡足二分垂在外揖禦寇而進禦寇伏地汗流至踵無一人曰至人上闕青天潛黃泉神氣

不變今汝殆矣又孔子觀於呂梁懸水三仞流沫三十里鼃鼃魚鼃不能游也

海至宜便習。兼山貴止託。平生協幽期。淪

躋困微弱。久露干祿請。始果遠遊諾。宿心漸申寫。萬事俱零落。懷抱既昭曠。外物徒

龍蠖

徒龍蠖云者聽其或屈或伸於己心了若無與也

○七里瀨

羈心積秋晨。晨積展遊眺。孤客傷逝湍。徒旅苦奔峭。石淺水潺湲。日落山照曜。荒林

紛沃若哀禽相叫嘯。遭物悼遷斥。存期得要妙。物外物也。期襟期也。既秉上皇心。五臣作情。莊

天下載之。此謂上皇。豈屑末代諄。目覩嚴子瀨。想屬任公釣。莊子任公子為大鉤巨綸五十犗。以為餌。投竿東海。暮年不得魚。已

而得大魚。濶河以東蒼梧以北。莫不厭若魚也。誰謂古今殊。異代可同調。

○晚出西射堂永嘉郡射堂

步出西城門。遙望城西岑。連障疊巘嶮。青翠杳深沈。曉霜楓葉丹。夕薰嵐氣陰。節往

感不淺。感來念已深。羈雌戀舊侶。迷鳥懷故林。含情尙勞愛。如何離賞心。選注言鳥

勞愛。況乎人而離於賞心也。撫鏡華緇鬢。攬帶緩促衿。安排徒空言。幽獨賴鳴琴。

○登池上樓永嘉郡池上樓

潛虬媚幽姿。飛鴻響遠音。薄霄愧雲浮。棲川怍淵沈。進德智所拙。退耕力不任。徇祿

反窮海。臥疴對空林。衾枕昧節候。褰開暫窺臨。傾耳聆波瀾。舉目眺嶇嶽。初景革緒

風。新陽改故陰。神農本草曰。春夏為陽。秋冬為陰。池塘生春草。園柳變鳴禽。祁祁傷幽歌。萋萋感楚

吟。索居易永久。離羣難處心。持操豈獨古。無悶徵在今。選注虬以深潛而葆真。鴻以高飛而遠害。今以嬰俗網。故

有愧虬。鳴也。

○遊南亭永嘉郡南亭

時竟夕澄霽。雲歸日西馳。密林含餘清。遠峯隱半規。久痾昏墊苦。旅館眺郊岐。澤蘭漸被徑。芙蓉始發池。未厭青春好。已觀朱明移。戚戚感物歎。星星白髮垂。藥餌情所止。衰疾忽在斯。逝將候秋水。息景偃舊巖。我志誰與亮。賞心惟良知。

。遊赤石進帆海

永嘉安固二縣中路東南便是赤石又枕海

首夏猶清和。芳草亦未歇。水宿淹晨暮。陰霞屢興沒。周覽倦瀛壖。況乃凌窮髮。川后時安流。大吳靜不發。揚帆采石華。掛席拾海月。溟漲無端倪。虛舟有超越。仲連輕齊組。明海上子牟眷魏闕。言雖悅海上仍不忘朝廷矜名道不足。適己物可忽。請附任公言。終然謝

天伐。工律

。登江中孤嶼

永嘉江也

江南倦歷覽。江北曠周旋。懷新道轉迥。尋異景不延。亂流趨正絕。孤嶼媚中川。雲日相輝映。空水共澄鮮。表靈物莫賞。蘊真誰爲傳。想象崑山姿。緬邈區中緣。始信安期術。得盡養生年。工律

登永嘉綠嶂山詩

裹糧杖輕策。懷遲上幽室。行源逕轉遠。距陸情未畢。澹澹結寒姿。團欒潤霜質。澗委

水屢迷林迴巖逾密。眷西謂初月。顧東宜落日。踐一作殘夕奄昏曙。蔽翳皆周悉。蠱上貴不事。履二美貞吉。幽人常坦步。高尙邈難匹。頤阿竟何端。寂寂寄抱一。恬如旣已交。繕性自此出。

郡東山望溟海詩

一作東山望海

開春獻初歲。白日出悠悠。蕩志將愉樂。瞰海庶忘憂。策馬步蘭皋。緹控息椒邱。采蕙遵大薄。舉若履長洲。白花臨陽林。紫萼一作翹春流。非徒不弭忘。覽物情彌道。萱蘇始無慰。寂寞終可求。

遊嶺門山詩

西京誰修政。龔汲稱良吏。君子豈定所。清塵慮不嗣。早涖建德鄉。民懷虞芮意。海岸常寥寥。空館盈清思。協以上冬月。晨遊肆所喜。千圻邈不同。萬嶺狀皆異。威摧三山峭。滌汨兩江駛。威摧滌汨皆疊韻連綿字魚舟豈安流。樵拾謝西芘。人生誰云樂。貴不屈所志。

石室山詩

清旦索幽異。放舟越坰郊。莓莓蘭渚急。藐藐苔嶺高。石室冠林陬。飛泉發山椒。虛泛徑千載。崢嶸非一朝。鄉村絕聞見。樵蘇限風霄。微戎無遠覽。總筭羨升喬。靈域久韜

隱如與心賞交。合歡不容言。摘芳弄寒條。

登上戍石鼓山詩

旅人心長久。憂憂自相接。故鄉路遙遠。川陸不可涉。汨汨莫與娛。發春託登躡。歡願
既無竝。戚慮庶有協。一作極目睽左闕。迴顧眺右狹。日末澗增波。雲生嶺逾疊。白芷
競新苔。綠蘋齊初葉。摘芳芳靡諼。愉樂樂不變。佳期緬無象。騁望誰三愜。

行田登海口盤嶼山

羈苦孰云慰。觀海藉朝風。莫辨洪波極。誰知大壑東。依稀采菱歌。髣髴含噸容。遨遊
碧沙渚。遊衍丹山峯。

白后巖下徑行田

小邑居易貧。災年民無生。知淺懼不周。愛深憂在情。舊業橫海外。蕪穢積頽齡。饑饉
不可久。甘心務經營。千頃帶遠堤。萬里瀉長汀。洲流涓澮合。連統塍埒并。雖非楚宮
化。荒闕亦黎明。雖非鄭白渠。每歲望東京。天鑒儻不孤。來茲驗微誠。

○齋中讀書

昔余遊京華。未嘗廢邱壑。矧乃歸山川。心跡雙寂寞。虛館絕諍訟。空庭來鳥雀。臥疾

豐暇豫。翰墨時間作。懷抱觀古今。寢食展戲謔。既笑沮溺苦。又哂子雲閤。執戟亦以疲。耕稼豈云樂。萬事難並歡。達生幸可託。律工

命學士講書

臥病同淮陽。宰邑曠武城。弦歌愧言子。清淨謝汲生。古人不可攀。何以報恩榮。時往歲易周。聿來政無成。曾是展余心。招學講羣經。鑠金既云刃。凝土亦能型。望爾志尚隆。遠嗣竹箭聲。敢謂荀氏訓。且布蘭陵情。待罪豈久期。禮樂俟賢明。

種桑詩

詩人陳條柯。亦有美攘剔。前脩為誰故。後事資紡績。常佩知方誠。愧微富教益。浮陽驚嘉月。藝桑迫閒隙。疏欄發近郭。長行達廣場。曠流始岵泉。緬塗猶跬跡。俾此將長成。慰我海外役。

初去郡

彭辭裁知恥。貢公未遺榮。

漢書王莽秉政專權彭宣上書乞骸骨又薛廣德為御史大夫乞骸骨班固述曰廣德當宣近於知恥又貢禹為光

祿大夫上書乞骸骨鍾會有遺榮賦

或可優貪競。豈足稱達生。伊余秉微尚。拙訥謝浮名。廬園當棲巖。

卑位代躬耕。顧己雖自許。心迹猶未并。無庸方周任。有疾像長卿。畢娶類尚子。薄遊

似邴生。恭承古人意，促裝返柴荆。率絲及元興，解龜在景平。率絲初任解龜去官也。安帝即位，改元曰景平。應璩詩不悞。率朱絲三署來相尋。漢書黃金印龜紐。負心二十載，於

今廢將迎。理棹適還期，遵渚驚修垞。溯溪終水涉，登嶺始山行。野曠沙岸淨，天高秋

月明。憩后挹飛泉，攀林攀落英。戰勝懼者肥，鑿止流歸停。韓子子夏曰：吾入見先王

榮之二者戰於胸臆，故驪今見先王之義戰。勝故肥也。文子莫監於流潦而監於止水。即是義唐化，獲我擊壤情。一作

田南樹園激流植援

○田南樹園激流植援

樵隱俱在山，絲來事不同。不同非一事，養病亦園中。樵者在山，隱者亦在山。老圃在園，吾之養病亦在園。所以園

者亦不同，故曰不同非一事。中園屏氛雜，清曠招遠風。卜室倚北阜，啟扉面南江。激澗代汲井，激

插槿當列壙。植羣木既羅戶，眾山亦當窗。靡迤趨下田，田迢遞瞰高峯。寡欲不期

勞，即事罕人功。唯開蔣生徑，永懷求羊蹤。賞心不可忘，妙善冀能同。首尾兩押同韻

○石壁精舍還湖中作

昏旦變氣候，山水含清暉。清暉能娛人，遊子憺安忘歸。出谷日尚早，入舟陽已微。林

壑斂暝色，雲霞收夕霏。芰荷迭映蔚，蒲稗相因依。披拂趨南逕，愉悅偃東扉。慮澹物

自輕，意愜理無違。寄言攝生客，試用此道推。工律

○登石門最高頂

晨策尋絕壁。夕息在山樓。疏峯抗高館。對領臨迴溪。長林羅戶穴。積石擁階基。連巖覺路塞。密竹使徑迷。來人忘新術。去子惑故蹊。活活夕流駛。噉噉夜猿啼。沈冥豈別理。守道自不攜。心契九秋幹。目翫三春蕙。居常以待終。處順故安排。惜無同懷客。共登青雲梯。

○石門新營所住四面高山迴溪石瀨茂林修竹

躋險築幽居。披雲臥石門。苔滑誰能步。葛弱豈可捫。嫋嫋秋風過。萋萋春草繁。美人遊不還。佳期何繇敦。芳塵凝瑤席。清醕滿金樽。洞庭空波瀾。桂枝徒攀翻。結念屬霄漢。孤景莫與諉。俯濯石下潭。仰看條上猿。早聞夕颿急。晚見朝日暎。巖傾光難留。林深響易奔。感往慮有復。理來情無存。庶持乘日車。得以慰營魂。匪爲眾人說。冀與智者論。

○於南山往北山經湖中瞻眺

朝旦發陽巖。

南

景落憩陰峯。

北

舍舟眺迴渚。

經湖中

停策倚茂松。側逕旣窈窕。環舟亦

玲瓏。俛視喬木杪。仰聆大壑瀟。

瀟與深同毛萇

石橫水分流。林密蹊絕蹤。解作竟何

感升長皆丰容

解作升長用二卦名

初篁苞綠蔞。新蒲含紫茸。海鷗戲春岸。天雞弄和風。

瞻眺所見

撫化心無厭。覽物眷彌重。不惜去人遠。但恨莫與同。孤遊非情歎。賞廢理誰通。

○從斤竹澗越嶺溪行

猿鳴誠知曙。谷幽光未顯。巖下雲方合。花上露猶泫。逶迤傍隈隩。

澗

迢遞陟陁岷。

嶺

過澗既厲急。登棧亦陵緬。川渚屢徑復。

溪行

乘流翫迴轉。蘋萍泛沈深。菰蒲冒清淺。企

石挹飛泉。攀林摘葉卷。想見山阿人。薜蘿若在眼。握蘭勤徒結。折麻心莫展。情用賞

為美。事昧竟難辨。觀此遺物慮。一悟得所遣。

工律

過白岸亭詩

拂衣遵沙垣。緩步入蓬屋。近澗涓密石。遠山映疏木。空翠難強名。漁釣易為曲。援蘿

聆青巖。春心自相屬。交交止栩黃。呦呦食萍鹿。傷彼人百哀。嘉爾承筐樂。榮悴迭去

來。窮通成休憾。未若長疏散。萬事恆抱樸。

夜宿石門詩

拾遺作石門巖上宿

朝搴苑中蘭。畏彼霜下歇。暝還雲際宿。美此石上月。鳥鳴識夜棲。木落知風發。異音

同至聽。殊響俱清越。妙物莫為賞。芳醕誰與伐。美人竟不來。陽阿徒晞髮。

○南樓中望所遲客

杳杳日西頽。漫漫長路迫。登樓為誰思。臨江遲來客。與我別所期。期在三五夕。圓景早已滿。佳人殊未適。即事怨睽攜。感物方悽感。孟夏非長夜。晦明如歲隔。瑤華未堪折。蘭若已屢摘。路阻莫贈問。云何未離析。搔首訪行人。引領冀良覲。

○廬陵王墓下作

宋武帝子義真為廬陵王。聰敏好文。常與靈運往來。會少帝失德。議廢立。次在廬陵。徐羨之等奏廢廬陵為庶人。旋殺之。因遷

靈運後知無罪。召還。文帝問曰：南來何所作？對曰：過廬陵墓作一篇。

曉月發雲陽。落日次朱方。含悽泛廣川。灑淚眺連岡。眷言懷君子。沈痛切中腸。道消

絕憤懣。運開申悲涼。神期恆若存。德音初不忘。徂謝易永久。松柏森已行。延州協心

許。新序：延陵季子聘晉，帶寶劍，過徐君，徐君色欲之，許已心許矣。反則徐君死於是以劍挂徐君墓而去。楚老惜蘭芳。漢書：龔勝楚人也。勝卒有老父

吊日薰以香。自燒膏以明。自解劍竟何及。撫墳徒自傷。平生疑若人。通蔽互相妨。

若人謂延州及楚老也。桓子新論曰：漢高祖功侔理感深情。慟定非識所將。已上

湯武及病歸之。天命誤矣。此必通人而蔽者也。言向疑吳札。楚老為情所蔽。今已亦因情至而過動。雖有脆促良可哀。天枉特兼

識亦不能自將也。將猶持也。漢書：張竦曰：效子者難將。脆促良可哀。天枉特兼

○還舊園作見顏范二中書

顏延之。范泰也。

常。猶云一倍常。一隨往化滅。安用空名揚。舉身泣已漉。長歎不成章。工律

辭滿豈多秩。謝病不待年。偶與張邴合。張良邴漢也久欲還東山。聖靈昔迴眷。謂宋高祖微尚

不及宣。謂歸隱之志未遠宣陳也何意衝颯激。烈火縱炎煙。焚玉發崑峯。餘燎遂見遷。沈約宋書少帝即位

權在大臣靈運非毀執政徐羨之等患之出為永嘉太守投沙理既迫。如邛願亦愆。投沙以賈誼自況如邛長與

歡愛別。永絕平生緣。浮舟千仞壑。總轡萬尋巔。流沫不足險。石林豈為艱。閩中安可

處。日夜念歸旋。事蹟兩如直。言媿不似史魚兩如矢之直也心愜三避賢。言慕孫叔敖三去相之賢

穩託身青雲上。棲巖挹飛泉。盛明盪氛昏。貞休康屯遭。指宋武帝殊方感成貸。微物豫采

甄。謂己昔蒙召用感深操不固。質弱易扳纏。曾是反昔園。語往實款然。疑當作款然曩基即先築。

故池不更穿。果木有舊行。壤石無遠延。雖非休憩地。聊取永日間。衛生自有經。息陰

謝所牽。夫子照清素。投懷授往篇。

○酬從弟惠連惠連西陵遇風獻康樂詩見本集

寢瘵謝人徒。滅迹入雲峯。巖壑寓耳目。歡愛隔音容。永絕賞心望。長懷莫與同。末路

值令弟。開顏披心胸。此章喜惠連之來會

○其二

心胸既云披。意得咸在茲。凌澗尋我室。散帙問所知。夕慮曉月流。朝忌曛日馳。晤對

無厭歇聚散成分離。此章喜其聚而慮其離

○其三

分離別西川。迴景歸東山。別時悲已甚。別後情更延。傾想遲嘉音。果枉濟江篇。辛勤

風波事。款曲洲渚言。此章敘別後得其來詩

○其四

洲渚既淹時。風波子行遲。務協華京想。詎存空谷期。猶復惠來章。祇足攬余思。儻若

果歸言。共陶暮春時。

○其五

暮春雖未交。仲春善遊遨。山桃發紅萼。野蕨漸紫苞。嚶鳴已悅豫。幽居猶鬱陶。夢寐

仁歸舟。釋我吝與勞。

○登臨海嶠初發疆中作與從弟惠連可見羊何其和之。集作登臨海嶠與從弟惠連一首

杪秋尋遠山。山遠行不近。與子別山阿。含酸赴修吟。中流袂就判。欲去情不忍。顧望

脰未悁。陸彥聲詩曰相思心既勞相望脰亦悁說文曰瘡疲也與悁通汀曲舟已隱。

○其二

隱汀絕望舟。驚棹逐驚流。欲抑一生歡。竝奔千里遊。日落當棲薄。繫纜臨江樓。豈惟夕情斂。憶爾共淹留。

其三

淹留昔時歡。復增今日歎。茲情已分慮。況乃協悲端。秋泉鳴北澗。哀猿響南巒。戚戚新別心。悽悽久念攢。

其四

攢念攻別心。旦發清溪陰。暝投剡中宿。明登天姥岑。高高入雲霓。還期那可尋。儻遇浮邱公。長絕子徽音。

初發石首城

沈約宋書靈運陳疾東歸會稽太守孟顓表其有異志靈運馳往京都詣闕上表太祖知其見誣不罪也以爲臨川內史

白圭尚可磨。斯言易爲緇。雖抱中孚爻。猶勞貝錦詩。寸心若不亮。微命察如絲。日月

垂光景

指宋太祖

成貸遂兼茲

貸施也既貸其性命又子以官職故曰兼茲

出宿薄京畿。晨裝搏曾颺

曾颺猶層颺也

搏字用莊子搏扶搖羊角字之

重經平生別。再與朋知辭

前之永嘉今適臨川故曰再與朋知辭

故山日已遠。風波豈

還時。迢迢萬里帆。茫茫終何之。遊當羅浮行。息必廬霍期。越海陵三山。遊湘歷九嶷。

欽聖若旦暮。懷賢亦悽其。皎皎明發心。不爲歲寒欺。

入東道路詩

整駕辭金門。命旅惟詰朝。懷居顧歸雲。指塗沂行颿。屬值清明節。榮華感和韶。陵隰繁綠杞。墟囿粲紅桃。鶯鶯翬方雒。纖纖麥垂苗。隱吟邑里密。緬邈江海遼。滿目皆古事。心賞貴所高。魯連謝千金。延州權去朝。行路既經見。願言寄吟謠。

○道路憶山中

采菱調易急。江南歌不緩。楚人心昔絕。越客腸今斷。斷絕雖殊念。俱爲歸慮款。存鄉爾思積。憶山我憤懣。越客靈運自謂楚人指屈原存鄉句亦指屈原追尋棲息時。偃臥任縱誕。得性非外求。自己爲誰纂。已止也纂繼也莊子曰夫吹萬不同而使已止矣不解因何復纂也不怨秋夕長。常苦夏日短。濯流激浮湍。息陰倚密竿。協古旦切懷故叵新歡。含悲忘春暖。悽悽明月吹。惻惻廣陵散。殷勤訴危柱。慷慨命促管。

○入彭蠡湖口

客遊倦水宿。風潮難具論。洲島驟迴合。圻岸屢崩奔。乘月聽哀狖。浥露馥芳蓀。春晚綠野秀。巖高白雲屯。千念集日夜。萬感盈朝昏。攀巖照石鏡。牽葉入松門。三江事多往。九派理空存。靈物吝珍怪。異人祕精魂。金膏滅明光。水碧綴流溫。徒作千里曲。絃

絕念彌敦。

○入華子岡是麻源第三谷

南州實炎德。桂樹陵寒山。銅陵映碧澗。石磴瀉紅泉。旣枉隱淪客。亦棲肥遁賢。險徑無測度。天路非術阡。遂登羣峯首。邈若升雲煙。羽人絕髣髴。丹邱徒空筌。圖牒復磨滅。碑版誰聞傳。莫辨百代後。安知千載前。且申獨往意。乘月弄潺湲。恆充俄頃用。豈爲古今然。

登歸瀨三瀑布望兩溪

我行乘日垂。放舟候月圓。沫江免風濤。涉清弄漪漣。積石竦兩溪。飛泉倒三山。亦旣窮登陟。荒藹橫目前。窺巖不覩景。披林豈見天。陽烏尙傾翰。幽篁未爲遭。退尋平常時。安知巢穴難。風雨非攸忤。擁志誰與宣。儻有同枝條。此日卽千年。

初往新安桐廬口

締綌雖淒其。授衣尙未至。感節良已深。懷古徒役思。不有千里棹。孰申百代意。遠協尚子心。遙得許生計。旣及冷風善。又卽秋水駛。江山共閒曠。雲日相照媚。景夕羣物清。對玩咸可憲。

○擬魏太子鄴中集詩八首

序並

建安末余時在鄴宮朝遊夕讌究歡愉之極天下良辰美景賞心樂事四者難并今昆弟友朋二三諸彥共盡之矣古來此娛書籍未見何者楚襄王時有宋玉唐景梁孝王時有鄒枚嚴馬遊者美矣而其主不文漢武帝徐樂諸才備應對之能而雄猜多忌豈獲晤言之適不誣方將庶必賢於今日爾歲月如流零落將盡撰文懷人感往增愴其辭曰

魏太子

百川赴巨海眾星環北辰照灼爛霄漢遙裔起長津天地中橫潰家王拯生民區宇既蕩滌羣英必來臻忝此欽賢性繇來常懷仁況值眾君子傾心隆日新論物靡浮說析理實敷陳羅縷豈闕辭窈窕究天人澄觴滿金罍連榻設華茵急絃動飛聽清歌拂梁塵莫言相遇易此歡信可珍

工律

○王粲 家本秦川貴公子孫遭亂流寓自傷情多

幽厲昔崩亂桓靈今板蕩伊洛既燎煙函峯沒無象整裝亂秦川秣馬赴楚壤荆州也沮漳自可美客心非外獎常歎詩人言式微何繇往指魏武帝上宰奉皇靈侯伯咸宗

長雲騎亂漢南宛。郢皆掃盪。謂平劉表也。排霧屬盛明。披雲對清朗。慶泰欲重疊。公子特

先賞。不謂息肩願。一旦值明兩。竝載遊鄴京。方舟泛河廣。綢繆清讌娛。叔寥梁棟響。

既作長夜飲。豈顧乘日養。律工

○陳琳 袁本初書記之士故述喪亂事多

皇漢逢屯遭。天下遭氛慝。董氏淪關西。袁家擁河北。單民易周章。窘身就羈勒。豈意

事乖己。永懷戀故國。相公實勤王。指魏武帝信能定螫賊。復覩東郡輝。重見漢朝則。餘生

幸已多。矧迺值明德。指魏文也愛客不告疲。餘讌遺景刻。夜聽極星闌。朝遊窮曠黑。哀哇

動梁埃。急觴盪幽默。且盡一日娛。莫知古來惑。律工

○徐幹 少無宦情有箕穎之心事故仕世多素辭

伊昔家臨淄。提攜弄齊瑟。置酒飲膠東。淹畱憩高密。此歡謂可終。外物始難畢。搖蕩

箕濮情。窮年迫憂慄。末塗幸休明。棲集建薄質。已免負薪苦。仍遊椒蘭室。清論事究

萬。美話信非一。行觴奏悲歌。永夜繼白日。華屋非蓬居。時髦豈余匹。中飲顧昔心。悵

焉若有失。工律○說苑晉靈公欲殺趙宣孟而飲之酒宣孟知之中飲而出國藩按

中字與中飲略同

○劉楨 卓犖偏人而文最有氣所得頗經奇

貧居晏里閑。少小長東平。河充當衝要。淪飄薄許京。廣川無逆流。招納厠羣英。北渡黎陽津。南登宛郢城。既覽古今事。頗得治亂情。歡友相解達。敷奏究平生。矧荷明哲顧。知深覺命輕。朝遊牛羊下。暮坐括揭鳴。終歲非一日。傳卮弄清聲。辰事既難諧。歡願如今并。唯羨肅肅翰。繽紛戾高冥。工律○括揭鳴疑當作揭揭與架音義同

達於晨也

○應瑒 汝穎之士流離世故頗有飄薄之歎

嗷嗷雲中鴈。舉翮自委羽。求涼弱水湄。違寒長沙渚。顧我梁川時。緩步集穎許。一旦逢世難。淪薄恆羈旅。天下昔未定。託身早得所。官渡厠一卒。烏林預艱阻。晚節值眾賢。會同庇天宇。列坐蔭華棖。金樽盈清醕。始奏延露曲。繼以闌夕語。調笑輒酬答。嘲諛無慚沮。傾軀無遺慮。在心良已敘。工律

○阮瑀 管書記之任故有優渥之言

河洲多沙塵。風悲黃雲起。金羈相馳逐。聯翩何窮已。慶雲惠優渥。微薄攀多士。念昔渤海時。南皮戲清沚。今復河曲遊。鳴葭汎蘭汜。躡步陵丹梯。竝坐侍君子。妍談既愉

心哀音信睦耳。傾酷係芳醕。酌言豈終始。自從食萍來。惟見今日美。工律

○平原侯植。公子不及世事。但美遨遊。然頗有憂生之嗟。

朝遊登鳳閣。日暮集華沼。傾柯引弱枝。攀條摘蕙草。徙倚窮騁望。目極盡所討。西顧太行山。北眺邯鄲道。平衢修且直。白楊信裊裊。副君命飲宴。謂文帝也歡娛寫懷抱。良遊匪晝夜。豈云晚與早。眾賓悉精妙。清辭灑蘭藻。哀音下迴鵠。餘哇徹清昊。中山不知醉。飲德方覺飽。願以黃髮期。養生念將老。工律

石壁立招提精舍

四城有頓躡。三世無極已。浮歡昧眼前。沈照貫終始。壯齡緩前期。頽年追暮齒。揮霍夢幻頃。飄忽風電起。良緣迫未謝。時逝不可俟。敬擬靈鷲山。尙想祇洹軌。絕溜飛庭前。高林映窗裏。禪室棲空觀。講宇析妙理。

過瞿溪山僧

迎旭凌絕嶝。映汐歸澈浦。鑽燧斷山木。掩岸堦石戶。結架非丹甍。藉田資宿莽。同遊息心客。曖然若可覩。清霄颺浮煙。空林響法鼓。忘懷狎鷗鯢。攝生馴兕虎。望嶺眷靈鷲。延心念淨土。若乘四等觀。永拔三界苦。

七夕詠牛女

火逝首秋節。新明弦月夕。月弦光照戶。秋首風入隙。凌峯步會巖。憑雲肆遙脈。徙倚西北庭。竦踊東南覲。紈綺無報章。河漢有駿軌。

彭城宮中直感歲暮

草草眷徂物。契契矜歲殫。楚豔起行戚。吳趨絕歸懽。修帶緩舊裳。素鬢改朱顏。晚暮悲獨坐。鳴鶻歇春蘭。

會吟行

六引緩清唱。三調佖繁音。列筵皆靜寂。咸共聆會吟。會吟自有初。請從文命敷。敷績壺冀始。刊木至江汜。列宿炳天文。負海橫地理。連峯競千仞。背流各百里。滌池漑粳稻。輕雲暖松杞。兩京愧佳麗。三都豈能似。層臺指中天。高墉積崇雉。飛燕躍廣塗。鷁首戲清沚。肆呈窈窕容。路曜便娟子。自來彌年代。賢達不可紀。句踐善廢興。越叟識行止。范蠡出江湖。梅福入城市。東方就旅逸。梁鴻去桑梓。牽綴書土風。辭殫意未已。

樂府詩集有燕歌行 翰歌行均七言 善哉行 隴西行均四言 上畱田行 九言 順東西門行長短句皆以非五古未鈔 又五言有苦寒行 豫章行

折楊柳行 泰山行 君子有所 思行 悲哉行 緩歌行 均未鈔

顏延年五古三十首

凡文選錄者以○識之樂府詩集錄者以△識之

△從軍行

苦哉遠征人。畢力幹時艱。秦初略揚越。漢世爭陰山。地廣旁無界。岳阿上虧天。嶠霧下高鳥。冰沙固流川。秋飈冬未至。春液夏不涓。閩峰指荆吳。胡埃屬幽燕。橫海咸飛驪。絕漠皆控弦。馳檄發章表。軍書交塞邊。接鎬赴陣首。卷甲起行前。羽驛馳無絕。旌旗晝夜懸。臥伺金柝響。起候亭燧煙。逝矣遠征人。惜哉私自憐。

○應詔觀北湖田收

集日元嘉十年也

周御窮轍跡。夏載歷山川。蓄軫豈明懋。善遊皆聖仙。帝暉膺順動。清蹕巡廣廛。樓觀眺豐穎。金駕映松山。飛奔互流綴。緹鼓代迴環。神行埒浮景。爭光溢中天。開冬眷徂物。殘悴盈化先。陽陸團精氣。陰谷曳寒煙。攢素旣森藹。積翠亦蔥芊。息饗報嘉歲。通急戒無年。溫渥浹輿隸。和惠屬後筵。觀風久有作。陳詩媿未妍。疲弱謝陵遠。取累非繹牽。

○車駕幸京口侍遊蒜山作

集日元嘉二十六年也

元天高北列。日觀臨東溟。入河起陽峽。踐華因削成。巖險去漢宇。襟選作衛徒吳京。

流池自化造。山關固神營。園縣極方望。邑社總地靈。宅道炳星緯。誕曜應辰明。睿思纏故里。巡駕市舊坳。陟峯騰輦路。尋雲抗瑤蕢。春江壯風濤。蘭野茂萑選作梯。英宣遊弘下。濟窮遠凝聖情。嶽濱有和會。祥習在卜征。周南悲昔老。畱滯感遺氓。空食疲廊肆。反稅事巖耕。

○車駕幸京口三月三日侍遊曲阿後湖作

集曰元嘉二十六年也

虞風載帝狩。夏諺頌王遊。春方動宸

選作辰

駕。望幸傾五州。山祇蹕嶠路。水若警滄流。

神御出瑤軫。天儀降藻舟。萬軸亂行衛。千翼汎飛浮。彫雲麗璇蓋。祥飈被綵旒。江南進荆豔。河激獻趙謳。金練照海浦。笳鼓震溟洲。藐眄靚青崖。衍漾觀綠疇。民靈騫都野。鱗翰聳淵邱。德禮既普洽。川嶽徧懷柔。

○拜陵廟作

沈約宋書曰漢儀上陵歲以為常魏無定制江左元帝崩後諸侯始有謁陵辭陵事蓋率情而舉非京洛之舊自元嘉以來每正月輿駕

必謁初甯陵復漢儀

周德恭明祀。漢道遵光靈。哀敬隆祖廟。崇樹加園塋。逮事休命始。投迹階王庭。陪廁迴天顧。朝譙流聖情。早服身義重。晚達生戒輕。否來王澤竭。泰往人悔形。敕躬慙積素。復與昌運并。恩合非漸漬。榮會在逢迎。夙御嚴清制。朝駕守禁城。束紳入西寢。伏

軫出東垞衣冠終冥漠陵邑轉蔥青松風遵路急山煙冒壠生皇心憑容物民思被
歌聲萬紀載絃吹千歲託旒旌未殊帝世遠已同淪化萌幼壯困孤介未暮謝幽貞
發軌喪夷易歸軫慎崎傾

○贈王太常

卽王僧達

玉水記方流璇源載圓折蓄寶每希聲雖祕猶彰徹聆龍際音九淵聞鳳窺丹穴歷
聽豈多士善作工魏然覲時哲舒文廣國華敷言遠朝列五臣作烈德輝灼邦懋芳風被鄉
耄側同幽人居郊扉常晝閑林闔時晏開亟迴長者轍庭昏見野陰山明望松雪靜
惟浹羣化徂生人窮節豫往誠歡歇悲來非樂闕屬美謝繁翰遙懷具短札

○夏夜呈從兄散騎車長沙

集曰從兄散騎字敬宗車長沙字仲遠

炎天方埃鬱暑晏闕塵紛獨靜闕偶坐臨堂對星分側聽風薄木遙睇月開雲夜蟬
當夏急陰蟲先秋聞歲候初過半荃蕙豈久芬屏居惻物變慕類抱情殷九逝非空
思七襄無成文

○直東宮答鄭尙書

宋書鄭鮮之字道子高祖踐祚遷都官尙書

皇居體環極設險祇天工兩闈阻通軌對禁限清風跂予旅東館徒歌屬南壙寢興

鬱無已起觀辰漢中。流雲藹青闕。皓月鑒丹宮。踟躕清防密。徙倚恆漏窮。君子吐芳
訊。感物惻余衷。惜無邱園秀。景行彼高松。知言有誠貫。一作實美價難克充。何以銘嘉
貺。言樹絲與桐。

○和謝監靈運

靈運曾為
祕書監

弱植慕端操。窘步懼先迷。寡立非擇方。刻意藉窮棲。伊昔邁多幸。秉筆侍兩闈。初學
記作
雖慙丹雘施。未謂玄素睽。徒遭良時詖。王道奄昏霾。人神幽明絕。朋好雲雨乖。弔
屈汀洲浦。謁帝蒼山蹊。倚巖聽緒風。攀林結畱萸。跂予閒衡嶠。曷月瞻秦稽。皇聖昭
天德。豐澤振沈泥。惜無爵雉化。何用充海淮。去國還故里。幽門樹蓬藜。采芡葺昔宇。
剪棘開舊畦。物謝時旣晏。年往志不偕。親仁敷情昵。興玩善作賦究辭悽。芬馥歇蘭若。
清越奪琳珪。盡言非報章。聊用布所懷。

○北使洛

沈約宋書曰延之為豫章世子中軍行軍參軍義熙十二年高祖北伐
有宋公之授府遣一使慶殊命參起居延之至洛陽道中作詩一首文

辭藻麗為謝
晦傅亮所賞

改服飭徒旅。首路踟險難。振楫發吳洲。秣馬陵楚山。塗出梁宋郊。道由周鄭閒。前登
陽城路。日夕望三川。在昔輟期運。經始闢聖賢。伊穀絕津濟。臺館無尺椽。宮陛多巢

穴城闕生雲煙。王猷升八表。嗟行方暮年。陰風振涼野。飛雪脅窮天。臨塗未及引。置酒慘無言。隱憫徒御悲。威遲良馬煩。遊役去芳時。歸來屢徂讐。蓬心既已矣。飛薄殊亦然。

○還至梁城作

眇默軌路長。憔悴征戍勤。昔邁先祖師。今來後歸軍。振策睠東路。傾側不及羣。息徒顧將夕。極望梁陳分。故國多喬木。空城凝寒雲。邱隴填郭郭。銘志滅無文。木石局幽闈。黍苗延高墳。惟彼雍門子。吁嗟孟嘗君。愚賤同堙滅。尊貴誰獨聞。曷爲久遊客。憂念坐自殷。

○始安郡還都與張湘州登巴陵城樓作

江漢分楚望。衡巫奠南服。三湘淪洞庭。七澤藹荆牧。經塗延舊軌。登闈訪川陸。水國周地險。河山信重複。卻倚雲夢林。前瞻京荆一作臺囿。清雱霽岳陽。曾暉薄瀾澳。悽矣自遠風。傷哉千里目。萬古陳往還。百代勞起伏。存沒竟何人。炯介在明淑。請從上世人。歸來藝桑竹。

○秋胡詩樂府作秋胡行

倚梧傾高鳳。寒谷待鳴律。影響豈不懷。自遠每相匹。婉彼幽閒女。作嬪君子室。峻節貫秋霜。明豔侔朝日。嘉運旣我從。欣願自此畢。

△○其二

燕居未及好。五臣作歡良人顧有違。脫巾千里外。結綬登王畿。戒徒在昧旦。左右來相依。驅車出郊郭。行路正威遲。存爲久離別。沒爲長不歸。

△○其三

嗟予怨行役。二陟窮晨暮。嚴駕越風寒。解鞍犯霜露。原隰多悲涼。迴飈卷高樹。離獸起荒蹊。驚鳥縱橫去。悲哉遊宦子。勞此山川路。

△○其四

超遙行人遠。宛轉年運徂。良時五臣作人爲此別。日月方向除。孰知寒暑積。僂俛見榮枯。歲暮臨空房。涼風起坐隅。寢興日已寒。白露生庭蕪。

△○其五

勤役從歸願。反路遵山河。昔辭秋未素。今也歲載華。蠶月歡一作時暇。桑野多經過。佳人從所一作務窈窕。援高柯。傾城誰不顧。弭節停中阿。

△○其六

年往誠思勞路選作遠闊音形雖為五載別相與昧平生捨車遵往路鳧藻馳目成

南金豈不重聊自意所輕義心多苦調密比金玉聲

△○其七

高節難久淹竭來空復辭遲遲前途盡依依造門基上堂拜嘉慶入室問何之日暮

行來選作歸物色桑榆時美人望昏至慙歎前相持

△○其八

有懷誰能已聊用申苦難補註離居殊年載一別阻河關春來無時豫秋至恆早寒

明發動愁心閨中起長歎慘悽歲方晏日落遊子顏

△○其九

高張生絕弦聲急由調起自昔枉光塵結言固終始如何久為別百行誓善作諸己

君子失明義誰與偕沒齒愧彼行露詩甘之長川汜按此詩文選作一首今依樂府詩集漢魏百三家集古詩紀作

首九

五君詠五首

沈約宋書曰顏延年領步兵好酒疏誕不能斟酌當時劉湛言於彭城王義康出為永嘉太守延年甚怒憤乃作五君詠以述竹林

七賢山濤王戎以貴顯被黜

○阮步兵

阮公雖淪跡。識密鑒亦洞。沈醉似埋照。寓辭類託諷。長嘯若懷人。越禮自驚眾。物故不可論。途窮能無慟。

○嵇中散

中散不偶世。本自餐霞人。形解驗默仙。吐論知凝神。立俗迕流議。尋山洽隱淪。鸞翮有時鍛。龍性誰能馴。

○劉參軍

劉伶善閉關。懷情滅聞見。鼓鐘不足歡。榮色豈能眩。韜精日沈飲。誰知非荒宴。頌酒雖短章。深衷自此見。

○阮始平

仲容青雲器。實稟生民秀。達音何用深。識微在金奏。郭奕已心醉。山公非虛覲。屢薦不入官。一麾乃出守。

○向常侍

向秀甘淡薄。深心託毫素。探道好淵玄。觀書鄙章句。交呂既鴻軒。攀嵇亦鳳舉。流連河裏遊。惻愴山陽賦。

爲織女贈牽牛

婺女儷經星。姮娥棲飛月。慙無二媛靈。託身侍天闕。閭闔殊未暉。咸池豈沐髮。漢陰不夕張。長河爲誰越。一作誰越雖有促讌期。方須涼風發。虛計雙曜周。空遲三星沒。非怨杼軸勞。但念芳菲歇。

歸鴻

昧旦濡和風。霑露踐朝暉。萬有皆同春。鴻鴈獨辭歸。相鳴去澗汜。長引發江畿。皦潔登雲侶。連綿千里飛。長懷河朔路。緬與湘漢違。

除弟服

徂沒離二秋。掩泣備三冬。往辰緬難紀。來算忽易窮。升沒淹晷晦。灑掃易禮容。縞衣變余體。長逝歸爾躬。

辭難潮溝

徘徊眷郊甸。俛仰引單襟。一塗苟不豫。百慮畢來侵。永懷交在昔。有願誓瑟琴。寫言

勞者事將用慰亡簪。

古詩紀有侍東耕詩一首

皇太子釋奠會作九章

發景陽樓一首疑有關文

三月三日詔宴西池詩一首

應詔燕曲水作詩八章

為皇太子侍宴餞衡

陽南平二王應詔詩一首皆
四言以非五言古故未鈔

謝希逸五古六首

烝齋應詔

霜露凝宸感肅儉動天引西郊滅溼揜

一作煙

東溟起昭晉舞風泛龍常輪霞浮玉軌

紫階協笙鏞金途展應幘方見六詩和永聞九德潤觀生識幸渥睇服慙輶

一作輶

悒

和元日雪花應詔

從候昭神世息燧應頌道玄化盡天祕凝功畢地寶笙鏞流七始玉息承三造委霰

下璇粦疊雪翻瓊藻積曙境寓明聯萼千里杲掩映順雲懸搖裔從風掃發貺燭姪

前騰瑞光圖表澤厚見身末恩踰悟生眇竦誠岱駕肅側志梁鑿矯

七夕夜詠牛女應制

輟機起春暮停箱動秋杵璇居

歲時標
詠作車

照漢右芝駕肅河陰容裔泛星道透迤濟煙

潯陸離迎宵佩倏爍望昏簪俱傾環氣怨共歇浹年心珠殿釭未沫瑤庭路已深夕

歲時作夜清豈淹拂。弦輝無久臨。

遊豫章西觀洪崖井

幽願平生積。野好歲月彌。捨簪神區外。整榻靈鄉垂。林遠炎天隔。山深白日虧。游陰騰鵠嶺。飛清起鳳池。隱曖松霞被。容與澗煙移。將遂邱中性。結駕終在斯。

白潯陽至都集道里名爲詩

山經亟旋覽。水牒勅敷尋。檣榭誠淹畱。煙臺信遐臨。翔州凝寒氣。秋浦結清陰。眇眇高湖曠。遙遙南陵深。青溪如委黛。黃沙似舒金。觀道雷池側。訪德茅堂陰。魯顯闕微迹。秦良滅芳音。訊遠博望崖。採賦梁山岑。崇館非陳宇。茂苑豈舊林。

北宅祕園

夕天霽晚氣。輕霞澄暮陰。微風清幽幌。餘日照青林。收光漸窗歇。窮園自荒深。綠池翻素景。秋槐響寒音。伊人儻同愛。絃酒共棲尋。

古詩紀有侍宴蒜山一首 侍東耕一首 喜雨一首 江都平解嚴一首 從駕頓上一首 八月侍華林曜靈殿八關齋一首 皆疑有關文 懷園引一

首均雜言未鈔

謝宣遠五古九首 均文選所錄

○九日從宋公戲馬臺集送孔令詩

風至授寒服霜降休百工繁林收陽彩密苑解華叢巢幕無畱燕遵渚有來五臣作歸

鴻輕霞冠秋日迅商薄清穹聖心眷嘉節揚鑿戾行宮四筵霑芳醴中堂起絲桐

扶光迫西汜歡餘初學作餘歡宴有窮逝矣將歸客養素克有終臨流怨莫從歡心歎

飛蓬

○答靈運一作答康樂秋霽詩

夕霽風氣涼閑房有餘清開軒滅華燭月露皓五臣作浩已盈獨夜無物役寢者亦云

甯忽獲愁霖唱懷勞奏所誠善作歎彼行旅艱深茲眷言情伊余雖寡慰殷憂暫

為輕牽率酬嘉藻長揖愧吾生

○於安城答靈運五首文選作一首

條繁林彌蔚波清源逾濬華宗誕吾秀之子紹前胤綢繆結風徽烟熅吐芳訊鴻

漸隨事變雲五臣作靈臺與年峻

其二

華萼相光飾嚶鳴五臣作嚶嚶悅同響親親子敦余賢賢吾爾賞比景後鮮輝方年一

日長萎葉愛榮條。涸流好河廣。

其三

徇業謝成操。復禮愧貧樂。幸會果代耕。符守江南五臣作南江。曲履運傷荏苒。遵塗歎緬邈。布懷存所欽。我勞一何篤。

其四

肇允雖同規。翻飛各異槩。迢遞封畿外。窈窕承明內。尋塗塗既暎。卽理理已五臣一作亦對。絲路有恆悲。矧迺在吾愛。

其五

跬行安步武。鍛翮周數仞。豈不識高遠。違方往有吝。歲寒霜雪嚴。過半路逾峻。量已畏友朋。勇退不敢進。行矣勵令猷。寫誠酬來訊。

○王撫軍庾西陽集別時為豫章太守庾被徵還東集曰謝還豫章庾被徵還都王撫軍送至湓口南樓

作

祇召旋北京。守官反五臣作及南服。方舟析舊知。對筵曠明牧。舉觴矜飲餞。指途念出宿。來晨無定端。別晷有成速。頽陽照通津。夕陰曖平陸。榜人理行艫。輶軒命歸僕。

分手東城闔發權西江。離會雖相雜，逝川豈往復。誰謂情可書，盡言非尺牘。

○張子房詩

王風哀以思，周道蕩無章。卜洛易隆替，興亂罔不亡。力政吞九鼎，苛慝暴三殤。息肩纏民思，靈鑿集朱光。伊人感代工，聿來扶興王。婉婉幙中畫，輝輝天業昌。鴻門銷薄蝕，垓下隕攬槍。爵仇建蕭宰，定都護儲皇。肇允契幽叟，翻飛指帝鄉。惠心奮千祀，清埃播無疆。神武睦三正，裁成被八荒。明兩燭河陰，慶霄薄汾陽。鑿於五臣作旌歷頽寢，飾像薦嘉嘗。聖心豈徒甄，惟德在無忘。逝者如可作，揆子慕周行。濟濟屬車士，粲粲翰墨場。瞽夫違盛觀，踈踊企一方。四達雖平直，蹇步愧無良。殫和忘微遠，延首詠太康。

謝法曹五古二十六首

文選錄者以○識之樂府詩集錄者以△識之

△豫章行

軒帆遡遙路，薄送瞰遐江。舟車理殊緬，密友將遠從。九里樂同潤，二華念分峯。集歡豈今發，離歎自古鍾。促生靡緩期，迅景無遲蹤。緇髮迫多素，憔悴謝華華。婉婉寡畱晷，窈窕窈窕閉淹龍。如何阻行止，憤愠結心胸。既微達者度，歡戚誰能封。願子保淑慎，良

訊代徽容。

△塘上行

芳萱秀陵阿。菲質不足營。幸有忘憂用。移根託君庭。垂穎臨清池。擢彩仰華甍。露渥雲雨潤。歲蕤吐芳馨。願君眷傾葉。畱景惠餘明。

△卻東西門行

慷慨發相思。惆悵戀音徽。四節競闌候。六龍引頽機。人生隨時變。遷化焉可祈。百年難必保。千慮盈懷之。

△代悲哉行

樂府作惠連鮑照集亦載此

羈人感淑節。緣感欲回轍。我行詎幾時。華實驟舒結。覩實情有悲。瞻華意無悅。覽物懷同志。如何復乖別。翩翩翔禽羅。關關鳴鳥列。翔鳴常疇偶。所歎獨乖絕。

△猛虎行

貧不攻九疑。玉倦不憇三危峯。九疑有惑號。三危無安容。美物標費用。志士勵奇蹤。如何祇遠役。王命宜肅恭。伐鼓功未著。振旅何時從。

△其二

猛虎潛深山。長嘯自生風。人謂客行樂。客行苦心傷。

三月三日曲水集

一作上巳
曲水集

四月著平分。三春稟融爍。遲遲和景婉。天天園桃灼。攜朋適藝文郊野。味爽藝文作旦辭。鄺廓蜚雲興。翠嶺芳飈起。華薄解轡偃。崇邱藉草繞。迴壑際渚羅。時歛託波汎。輕飈

汎南湖至石帆

軌息陸塗初。柁鼓川路始。漣漪繁波漾。參差層峯峙。蕭疏野趣生。逶迤白雲起。登陟苦跋涉。瞬盼樂心耳。卽翫翫有竭。在興興無已。

西陵遇風獻康樂五首

文選作
一首

我行指孟春。春仲尙未發。趣途遠有期。念離情無歇。成裝候良辰。漾舟陶嘉月。瞻塗意少悰。還顧情多闕。

其二

哲兄感化別。相送越垌林。飲餞野亭館。分袂澄湖陰。悽悽畱子言。眷眷浮客心。迴塘隱艫棧。遠望絕彤音。

其三

靡靡卽長路。戚戚抱遙悲。悲遙但自弭。路長當語五臣誰。行行道轉遠。去去情彌遲。昨發浦陽汭。今宿浙江湄。

其四

屯雲蔽會嶺。驚風湧飛流。零雨潤墳澤。落雪灑林邱。浮氛晦崖巘。積素惑原疇。曲汜薄停旅。五臣通川絕行舟。

其五

臨津不得濟。伫楫阻風波。蕭條洲渚際。氣色少諧和。西瞻五臣與游歎。東睇起悽歌。積憤成疢疾。無萱將如何。

代古

一作擬客
從遠方來

客從遠方來。贈我鵠文綾。貯以相思篋。緘以同心繩。裁爲親身服。著以俱寢興。別來經年歲。歡心不可凌。瀉酒置井中。誰能辨斗升。合如杯中水。誰能判淄澠。

秋懷

平生無志意。少小嬰憂患。如何乘苦心。矧復值秋晏。皎皎天月明。奕奕河宿爛。蕭瑟含風蟬。寥唳度雲鴈。寒商動清閨。孤燈暖幽幔。耿介繁慮積。展轉長宵半。夷險難預

謀倚伏昧前算。雖好相如達。不同長卿慢。頗悅鄭生偃。無取白衣宦。未知古人心。且從性所翫。賓至可命觴。朋來當染翰。高臺驟登踐。清淺五臣作波時陵亂。頽魄不再圓。傾羲無兩日。金石終銷毀。丹青暫彫煥。各勉立髮歡。無貽白首歎。因歌遂成賦。聊用布親串。

擣衣

衡紀無淹度。晷運倏如催。白露滋園菊。秋風落庭槐。肅肅莎雞羽。烈烈寒螿嘒。夕陰結空幕。宵月皓中閨。美人戒裳服。端飾相招攜。簪玉出北房。鳴金步南階。櫨高碇響發。楹長杵聲哀。微芳起兩袖。輕汗染雙題。紈素旣已成。君子行未歸。裁用笥中刀。縫爲萬里衣。盈篋自余手。幽緘俟君開。腰帶準疇昔。不知今是非。

泛湖歸出樓中望月

善作翫月

日落泛澄瀛。星羅遊輕橈。憩榭面曲汜。臨流對迴潮。輟策共駢筵。竝坐相招要。哀鴻鳴沙渚。悲猿響山椒。亭亭映江月。颺颺出谷飈。斐斐氣冪岫。泫泫露盈條。近矚祛幽蘊。遠視蕩諠囂。晤言不知罷。從夕至清朝。

七月七日夜詠牛女

落日隱欄楹。升月照簾

玉臺作房

櫳團團滿葉露。析析振條風。蹠足循廣除。瞬目曬曾穹。

雲漢有靈匹。彌年闕相從。遐川阻暱愛。脩渚曠清容。弄杼不成藻。聳轡驚前蹤。昔離

秋已兩。今聚夕無雙。傾河易迴幹。款情

玉臺作顏

難久悰。沃若靈駕旋。寂寥雲幄空。畱情

顧華寢。遙心逐奔龍。沈吟為爾感。情深意彌重。

喜雨

朱明振炎氣。溽暑扇溫颺。羨彼明月輝。離畢經中宵。思此西郊雲。既雨盈崇朝。上天

愍憔悴。商羊自吟謠。

詠冬

藝文新本字譌作靈運考舊本正之

七宿乘運曜。三星與時滅。履霜冰彌堅。積寒風愈切。繁雲起重陰。迴颺流輕雪。園林

粲斐皓。庭除秀皎潔。墀瑣有凝汗。

一作

達衢無通轍。

讀書

賁園奚足慕。下帷故宜遵。山成由一篲。崇積始微塵。虞軒雖眇莽。顏隰亦何人。

離合詩二首

放棹遵遙塗。方與情人別。嘯歌亦何言。肅爾凌霜節。

各字

賦其二
六與
人限
潮想
衣回
言蕭
爾對
露館

夫人皆薄離。二友獨懷古。思篤子衿詩。山當作三川何足苦。念字

夜集作離合
山由一
黃宗
蘇故
遊真
風神
編如
務題
關衣
向人

四坐宴嘉賓。一客自遠臻。九言何所戒。十善故宜遵。

夜集歎乖
梁斐
劉紫
賦自
蘇利
之
道
潘

詩人詠踟躕。騷首歌離別。誠哉曩日歡。展矣今夕切。吾生赴進令。質明即行轍。在貧故直言。贈子保溫惠。曷用書諸紳。久要亮有誓。

與孔曲阿別詩

淒淒乘蘭秋。言餞千里舟。塗屈雲陽邑。邑宰有昔遊。行人雖念路。為爾暫淹留。

本集有秋胡行二首 隴西行一首均四言 燕歌行一首七言 鞠歌行一首

前緩聲歌一首均雜言 長安有狹邪行一首 順東西門行一首 詠螺蚌

一首 失題一首 皆有關文未鈔

三十家詩鈔卷二

中華民國壹零零年 捌月 拾玖日 贈送



國家圖書館



003676678

